

NAMBA 7 DRO

1. John Wapi (Jiwaka)
2. Tony Pajok (Morobe)
3. Max Marala (Hela)





BAIM PNG MADE NA KAMAPIM MOA WOK



Praim Minista bilong PNG, Peter O'Neill i sainim wanpela gutbel kad i go long ol lain bilong China Harbour Engineering Company Ltd husat bai wokim rot long 9-Mail i go long Gerehu na bungim Poreporena Haiwe rot, pastaim long em i brukim graun long Gerehu raun about long aste. Ol tripela memba bilong NCD, Michael Malabag, Not Wes, Justin Tkatchenko, Saut, Labi Amaiu, Not is, Miria ikupu, Motu Koitabu Siaman wantaim bikman bilong Saina Kampani i lukluk i stap.
Poto: Nicky Bernard.

Insait:

Foa lein rot bai helpim pipel - P2

UPNG amamsim Midia Fridom de - P4

Pogera main stet ov emejensi - P7

BSP helpim Meri Seif Haus - P10

Skul sevei i no 666

Kolopu Waima i raitim

SEKETERI bilong Edukesen, Dokta Michael Tapo, i kliarim tingting bilong planti papamama husat i les long salim ol pikinini bilong ol i go long skul bikos ol i pret long kisim 666.

Mista Tapo i tok ol opisa bilong Dipatmen bilong Edukesen i go raun long ol praimer skul long Mosbi na yusim wanpela masin

long kisim namba bilong ol tisa na ol sumatin. Tasol planti ol skul tisa na sumatin i rausim ol dispela opisa na paitim ol bikos ol i ting olsem ol i laik givim namba 666, we Baibel i tok em i namba bilong Devil Satan.

"Tasol dispela em i no 666," Dokta Tapo i tok.

Holy Rosary Praimeri i namba wan skul long rausim ol dispela opisa taim ol i go long skul bilong

ol. Bihain ol opisa i go long Boreboa Praimeri skul na ol sumatin i ranawe. Ol papamama i stap klostu long Morata wan na Morata tu i ran go i long skul na pulim ol pikinini bilong ol i go long haus. Na ol i les long salim ol sumatin go i bek long skul. Skul i stap pas long dispela wik.

Mista Tapo i tok ol dispela opisa i go raun long ol skul em dipatmen i makim ol long kisim namba bilong

ol sumatin na tisa i stap long ol wanwan skul.

Em i tok ol i laik traim pastaim long ol skul i stap long Nesenel Kapital Distrik (NCD), na bihain ol bai go long ol narapela provins long kantri.

"Mipela i makim 13 skul long Mosbi long wokim dispela sevei," Dokta Tapo i tok.

Mista Tapo i tok as bilong dispela sevei em long kisim gut namba bi-

long ol pikinini na tisa long skul bikos planti taim long wan wan yia namba bilong ol tisa na sumatin i no save stap stret. Namba bilong sampelaskul i save hariap tru go antap, na long sampela skul namba bilong ol tisa na sumatin i save go daun bihain long wan wan yia. Na dipatmen i painim hat tru long amas namba bilong pikinini na tisa i stap insait long kantri.

I go moa long pes 2...



STET OV ORIJIN PROMOSEN

OR

OR

GEM STAT LONG SARERE 5 EPRIL 2014, NA PINIS LONG FRAIDE 23 MAY 2014. BIKPELA DRO LONG TV EM LONG MANDE 26 MAY 2014

Hevi long boda bilong PNG na Indonesia i kamap bikpela

OL hevi long boda bilong Papua Niugini na Indonesia i wok long kamap bikpela, na gavman bilong Papua Niugini i luksave long dispela, na i wok strong long daunim ol dispela hevi.

Long daunim ol dispela hevi long boda, Ekting Sekreteri bilong Dipatmen ov Foren Afeas, William Dihm, i bin singautim, na givim wanpela diplomatik pepa i go long Em-

beseda bilong Indonesia long Papua Niugini, Andrias Sitepu long tupela wik i go pinis.

Dispela em namba tu diplomatik pepa nau we Mista Dihm i givim long ol Indonesia. Mista Dihm i bin givim namba wan diplomatik pepa i go long Mista Sitepu long las mun.

Dispela namba wan diplomatik pepa i toktok strong long kamapim bel isi namel long tupela kantri.

Gavman bilong Papua Niugini i lukim olsem dispela namba wan diplomatik pepa i no karim kaikai, na long dispela as, ol i salim namba tu diplomatik pepa i go long Indonesia.

Minista bilong Foren Afeas, Rimbink Pato, i tok dispela namba tu diplomatik pepa i toktok strong long ol Foren Afeas lida bilong tupela kantri long holim wanpela bung

long dispela wik. Na dispela bung bai kamap long Jayapura.

Long dispela bung, ol lida bilong tupela kantri bai toktok moa long ol hevi we i wok long kamap long boda.

Ol ripot i kam long boda, i tok olsem long namba 19 de bilong las mun, ol sampela ami bilong Indonesia husat i save lukautim boda i bin sut long sampela bilong soldia

ol Papua Niugini Difens Fos (PNGDF).

Ol ripot i tok i no gat wanpela PNGDF i kisim bagarap tasol PNG gavman i no laik dispela kain hevi long kamap gen bikos em bai bagarapim gutpela wok pren bilong tupela kantri.

Minista Pato i save pinis long ol dispela hevi we i kamap na em i no amamas.

Foa lein rot bai bringim planti gutpela samting

Isaac Liri i raitim

OL manmeri bilong Pot Mosbi i bin amamas tru long lukim graun breking seremoni bilong Baruni-Gerehu-9 Mail rot projek.

Dispela K300 Milien Projek we Nesenel Gavman i fandim, bai daunim hevi bilong trafik insait long Nesenel Kapital Distrik (NCD).

Dispela graun breking seremoni we i bin kamap long Trinde long dispela wik i bin lukim planti ol lida i givim toktok bilong ol.

Minista bilong Helt na HIV na AIDS, Michael Malabag i tok planti ol wok manmeri bilong NCD husat i save givim save na taim bilong ol long helpim kantri long develop i save stap long Gerehu eria na ol arapela hap bilong Pot Mosbi Not-Wes, na dispela nupela foa lein rot projek bai bringim gutpela sevis long ol, daunim ol hevi ol i save bungim, na strongim wok bisnis.

Long makim maus bilong ol pipel bilong em long Mosbi Not-Wes Elektoret, em i tok tenk yu long China Harbour Engineering Company (CHEC) long wanbel long mekim wok konstraksen na pinisim dispela projek.

Wok konstraksen bilong dispela

projek bai stat long dispela mun na bai pinis long neks yia.

Memba bilong Mosbi Not-Is, Labi Amau, i bin tok tenk yu long O Neill-Dion Gavman long lukluk moa long kamapim planti infrastraksa projek olsem long helpim kantri long go het.

Mista Amau i tok dispela projek bai givim sans bilong planti manmeri long Papua Niugini long painim wok, na em i tok tenk yu long Mista Malabag long kamap wantaim dispela inisitiv, na tu, CHEC long wanbel long wok konstraksen.

Embeseda bilong Saina long Papua Niugini, Li Riao, i tok Saina i amamas long helpim Papua Niugini long dispela projek, na tu, long ol arapela projek.

Em i tok Saina em i gat strongpela ikonomi long wol bikos ol i bin save kamapim planti rot na infrastraksa long bipo i kam inap nau.

Embeseda i tok Saina i amamas long helpim Papua Niugini bikos tupela kantri i save wok pren long planti taim, na ol bai helpim Papua Niugini long kamapim ol rot na infrastraksa, na helpim kantri long strongim ikonomi.



Ol lida bilong Papua Niugini na Saina long graun breking seremoni bilong nupela 4 lein rot long Pot Mosbi.

Grup i wok long draf polisi bilong refuji risetelmen

Veronica Hatutasi i raitim

PNG bai gat wanpela risetelmen polisi long ol refuji bilong ovasis na long kantri yet husat i lusim ples bilong ol bikos long sampela hevi o birua bilong woa, klaimet senis.

Pastaim meri memba bilong Palamen i save toktok strong long human rait, mekim stretpela pasin long ol meri na ol tarangu, Dame Carol Kidu, i go pas long 6-pela memba tim i gat long em Asbisop John Ribat olsem nambatu, Peter Arifeare bilong Imigresen seksen wantaim Foiren Afeas na narapela tripela moa, long kamap wantaim namba wan refuji risetelmen draf

polisi bilong kantri long lukautim tripela grup.

Namba wan grup em ol refuji bilong Wes Papua husat i ranawe long ol hevi long ples bilong ol na i kam stap long PNG moa long 50 krismas.

Ol transferis olsem ol asailam sika long Manus i narapela. Laspela lain em ol dispela i ranawe lusim ol ples bilong ol olsem ol Manam Ailan lain long Madang husat i lusim ples bikos long hevi na birua bilong maunten paia, na ol Carterets Ailan lain bilong Atonomas Rijon bilong Bogenvil we klaimet senis i wok long karim ol ailan bilong ol na ol i painim seif ples long bikples Bogenvil long

stap.

Asbisop Ribat i tok nau PNG i lukim ol nupela kain samting olsem ol asailam sika i kam long ol narapela kantri, na yumi no gat polisi o lo long karamapim o kontrolim ol dispela kain situesen.

Olsem na penel o grup bilong em i gat 30 de tasol, stat long Epril 9 inap long Me 9 long redim draf ripot i go long Palamen. Palamen bai kisim draf ripot long glasim na skelim, na tok oraitim, na bihain long dispela, em bai kamap Refuji Risetelmen Polisi.

"Dispela polisi mipela i wok long en i no bilong ol Manus asailam sika, tasol long ol lain we ol naturel

disasta olsem ol Manam Ailan lain, ol Carterets Ailan na ol Kiribati pipel we klaimet senis i mekim na British gavman i bin sindaunim ol long Solomon Ailan na long Rambi Ailan, Fiji.

Dispela polisi bai helpim ol atoriti na kantri long helpim ol ovasis na lokol refuji. Tim i raun pinis long 5-pela provins i bin kisim na lukautim ol refuji long kisim ol tingting na toktok bilong ol long go long draf polisi ripot. Em long Manus, Westen Provins, Madang, Wes Nu Briten na Goroka long Isten Hailans, Asbisop Ribat i tok.

Tim i bin stap long bung bilong ol Katolik bisop long dispela wik Tunde long kisim tingting na toktok

bilong ol bisop.

Asbisop Ribat i tok asailam sika i nupela samting long PNG we kantri i no gat ekspirians long en. Tasol i no laik bilong PNG i kamap olsem kantri i sapotim (Manus) prosesing senta na long kisim ol refuji na sindaun ol long kantri i nupela samting olgeta. Moa yet, ol lain i kam long ol Midel Is kantri we woa, terorism na ol kain hevi i stap long ol.

Planti bisop i bin autim ol tingting bilong ol long ol asailam sika na ol refuji. Ol i tok ol sios em namba wan lain i save kisim na lukautim ol pipel i stap long hevi na ol i mekim long ol refuji bilong Wes Papua i stap long boda eria long Vanimo na Kiunga, Westen Provins.

Skul sevei i no 666

I kam long pes 1...

Em i tok tu olsem nau gavman i givim fri edukesen, na bikpela mani i go long ol skul. Sampela skul i gat liklik namba bilong sumatin, tasol ol tisai save apim namba bilong ol pikinini. Na dipatmen i save givim moa mani long ol.

Dispela ol mani em ol tisa na ol bod memba i save kisim long mekim wok bilong ol yet. Naem i no stret.

Mista Tapo i tok sampela tisa tu

i no save stap long opis, tasol ol i save kisim pe yet.

Em i tok ol i kisim dispela masin na go raun long ol skul long kisim gut namba bilong ol tisa, skul na namba bilong ol sumatin long wan wan skul. Dispela ol data bai helpim dipatmen long menesim gutfri edukesen mani na tu, dipatmen bai save gut long amas namba bilong tisa na sumatin i stap long edukesen sistem bilong kantri.

Tasol planti ol pipeli no klia long dispela na ol i tok Edukesen dipat-

men i asua bikos em i no wokim sampela awenes toksave pas na bihain go raun long skul ol long kisim namba bilong ol tisa na sumatin.

Wanpela papa bilong sumatin, Benny Bilas, bilong Kusumb long Tombalong TambulNebilyer-Ilektoret long Westen Hailans i tok ol pikinini na papamama i pret bikos ol i givim sut long han bilong ol pikinini. Na dispela em i pretim ol na ol i ranawe long skul, na paitim ol edukesen opisa.

"Edukesen Dipatmen i asua bikos em i no mekim sampela tok-

save long midia o kam raun long skul na toksave long ol sumatin wantaim ol tisa na tu, ol papamama long wanem as tru bilong dispelasevei," Mista Bilas i tok.

Em iapil long Edukesen Dipatmen long toksave na wokim awenes pastaim em i ken karim aut kain sevei o stadi long bihain taim.

Wanpela tisa bilong Boreboa husat i les long givim nem bilong em long sekyuriti risen i tok ol i kirap nogut long lukim ol opisa bilong Dipatmen bilong Edukesen i

kam long kisim namba bilong ol tisa na sumatin long yusim wanpela masin.

Em i tok, ol opisa i kam wantaim ol polis na ol pikinini wantaim ol tisa i pret. Bihain ol i painimaut olsem ol i lain bilong Edukesen Dipatmen, tasol ol pikinini iranawe. Sampela stap yet long skul em ol papamama bilong ol i kam kisim.

"Ol i ranawe bikos i harim stori pinis olsem, long Holy Rosary praimer skul, ol i givim sut long ol pikinini na kisim nem na piksa bilong ol tu. Olsem na ol i ting olsem dispela em namba 666," em i tok.

T.H.E Pati ken joinim oposisen. Arore, Polye, Gau

Stanley Nondol i raitim

T.H.E Pati i tok em i no asua long ol i ken joinim oposisen lida Belden Namah tasol lo i tok nau yet ol i stap yet wantaim gavman bilong Praim Minista Peter O'Neill.

T.H. E Pati lida Don Polye, na tupela pati memba, Ijivitari memba David Arore na memba bilong Raikos, James Gau i tok i no nogut long ol i ken joinim oposisen.

Tasol ol i tok ol i rispektim Alotau akod we ol i kamapim wanbel long stap wantaim gavman taim ol i fomim O'Neill/Dion gavman long Alotau.

T.H.E pati i gat 14 pela memba long O'Neill gavman.

Mista O'Neill i rausim pati Lida Don Polye, David Arore na Mark Maipakai long wok ministra bilong ol. Tasol deputi Praim Minista Leo Dion em bilong T.H.E Pati na Haia Edukesen Minista, Delailah

Gore i stap yet long wok ministra.

Polye, Arore, na Gau i tok sapos praime ministra i les long ol i stap long gavman na rausim T.H.E Pati long gavman bilong em, bai ol i ken kam aut na joinim oposisen.

Ol tripela lida i strongim sait olsem pati bilong ol em i namba tu bikpela pati long gavman na i gat rispek long kantri.

Mista Polye i tok pati bilong em i no gat wanpela liklik asua o nem nogut olsem

ol arapela pati. Em i tok ol lida insait long pati i gat rispek long pati na ol i stap wanbel wantaim lida, Don Polye.


Ol i tok klia olsem wanem disisen i kamap bai kamap long nem bilong pati na i no wanwan memba.

Mista Polye i tok planti disisen bilong PNC Pati bilong Praim Minista O'Neill i no stret na olgeta lida i mas tokaut long pasin korapsen.

Em i tok ol i no ken tingim ol yet na larim pasin ko-



David Arore



Don Polye

Pawa bilong gutpela heltkea long Jiwaka

AUSTRALIA i helpim long bringim gutpela na isi heltkea sevis long Jiwaka Provins wantaim wanpela nupela haidro elektrik pawa stesin.

Dokta Geoff Clark, Kaunsela bilong Developmen Korporensen long Australia Hai Komisen i opim dispela K10 milien pawa stesin long Kudjip Nasarin Haus Sik long Trinde las wik. Insentiv Fan i bin givim mani long kirapim dispela pawa stesin i gat wanpela wara dem na wanpela 1.4 kilomita koswe na 256kw jenereta. Olpela haidro elektrik stesin bilong haus sik em i bin kisim bagarap long taim wara tait i bagarapim ples long 2008-2009. Ol asples lain yet i wok long kirapim ol dispela projek.

Edministreta bilong haus sik, Dokta Scott Dooley i tok bikpela kos bilong bikpela pawa grid na bagarap long ol masin i kamap long taim strong bilong pawa i save i go antap na i go daun, i bin mekim haus sik i lusim planti handet, tausien kina long wan wan yia na i givim hevi long helt sevis long provins.

"Dispela nupela na klinpela jenereta bai bringim pawa long helpim haus sik long nau na bihain tu. Mipela i wok long go bikpela wantaim planti moa haus bilong ol woklain tu. Dispela em i wanpela strateji bilong go longpela taim na mipela i ting dispela wara dem long stap inap 50 o 60 yia moa," Dokta Dooley i tok.

Dokta Clark i tok dispela gutpela pawa bai helpim haus sik long stretim ol hevi bilong helt insait long hailans rijon. Pawa stesin em i namba tu Incentiv Fan projek long haus sik. Long

2009 ol i bin helpim wantaim K6.5 milien long kamapim nupela haus sik wod, wanpela aut pesen wod, toilet na rum was was na sampela haus bilong ol nes.

"Dispela projek i soim olsem Papua Niugini i ken kamapim samting taim em i gat strongpela lidasip, menesmen na komitmen long helpim ol komyuniti long bihain," Dokta Clark i tok.

"Salens nau i stap em long Nesanel Gavman, Jiwaka Provins Gavman na Nasarin Sios Helt Sevis long plenim na givim ol gutpela samting bilong mekim wok na long lukautim dispela bikpela samting." Em i tok.

Kudjip Nasarin Haus sik i gat 128 bet bilong sikman na i save helpim moa long 5500 siklain long aut pesen long wan wan yia. Em i wanpela Level 5 haus sik.

Antap long dispela projek, Gavman bilong Australia i tok promis long helpim haus sik long sanapim haus bilong ol wokman meri na ol narapela bikpela wok wantaim mani mak bilong K4 milien, tasol aninit long kina tu kina skim.

Ol i givim tupela kar long haus sik bilong helpim ol sumatin bilong Nasarin Nasing Koles long go mekim ol klinik wok bilong ol long Maun Hagen Jeneral Haus sik na ol arapela helt senta insait long Jiwaka na Westen Hailans Provins olsem hap bilong trening bilong ol.

I gat 39 sumatin long nesing skul nau i stap aninit long Australia Awod Pasifik Skolasip long stadi long hap.

Are you an SME looking to grow?

A BSP Smart Business Loan helps you build your pathway to success.

Smart Business Loan

- ✓ 100% loan financing
- ✓ No monthly fees
- ✓ Flexible interest rates
- ✓ No equity requirement

A pathway to **grow↑ business**

For more information

320 1212 / 7030 1212 - 24/7

service@bsp.com.pg

www.bsp.com.pg



Official Sponsor of the 2015 Pacific Games

UPNG amamasim Midia Fridom De

Isaac Liri i raitim

MIDIA Fridom De i save kamap long olgeta yia. Long dispela de, olgeta nius manmeri i save bung long toktok long wok ol i save wokim long kisim nius na autim nius long pablik.

Insait long Papua Niugini, i gat tupela skul bilong ol nius manmeri, wanpela long Divain Wod Yuni-versiti (DWU), na narapela long Yu-nivesiti ov Papua Niugini (UPNG).

Midia Fridom De long dispela yia em long namba 3 de bilong dispela mun, tasol ol sumatin na tisa bilong UPNG i amamasim dispela de long las wik Fraide, namba 2 de bilong dispela mun.

Long amamasim Midia Fridom De long UPNG, ol bikman meri bilong ol Midia kampani i bin givim toktok long gutpela bilong wok olsem wanpela nius manmeri insait long kantri.

Menesing Dairekta bilong Nesenel Brodcasting Kopresen (NBC), Memafu Kapera i bin stap long dispela bung long toktok long ol Jenelism sumatin bilong UPNG.

Em i bin toktok long ol salens we ol nius manmeri i save bungim long taim ol i save go aut long kisim stori, na tu, em i toktok long ol stret-pela rot we ol nius manmeri i mas bihainim taim ol i autim o givim nius

i go long pablik.

Bihain long ol biklain i toktok, ol Jenelism sumatin i bin presenim nupela logo bilong Sosaiti bilong ol.

Presiden bilong UPNG Jenelism Sumatin Sosaiti, Gloria Bauai, i tok dispela asosieisen bilong ol i wok long dai, na ol i wok strong nau long kirapim bek.

Mis Bauai i tok dispela asosieisen em i wanpela impoten asosieisen, long wanem, em i save strongim ol sumatin long kamap ol gutpela nius ripota long taim bihain.

Long strongim bek dispela asosieisen long dispela yia, ol Jenelism sumatin i bin go insait long wanpela resis long mekim disain bilong nupela logo bilong asosieisen.

Sumatin husat i bin winim dispela logo resis em wanpela namba tu yia sumatin, Nadia Marai.

Dispela logo we Natasha kamapim, i soim tripela bikpela kain midia insait long Papua Niugini. TV, redio na niuspepa.

Mis Gloria Bauai i bin tok tenk yu long olgeta midia ogenaissen husat i bin sapatim ol long amamasim dispela Midia Fridom De.

Ol na UPNG sumatin i bin kirap nogut taim Mista Kapera bilong NBC i presenim K2500 sek mani i go long helpim asosieisen bilong ol.



Menesing Dairekta bilong NBC, Memafu Kapera i katim ribon long opim Midia Fridom De long UPNG. UPNG amamasim Midia Fridom De

K88m bilong Finsafen Kabwum Haiwe

Bustin Anzu i raitim

NESENEL GAVMAN bai putim K88milien long wokim haiwe long Finsafen i go long Wasu na Kabwum. Nesenel Woks Minista Francis Awesa i tokaut long dispela long Ista wiken taim em i opim Mongi bris.

Dispela projek i no stap long baset bilong dispela yia tasol em i wanpela bikpela nesenel haiwe we gavman i tingting long wokim bilong sevim ol pipel bilong Fisika.

Mista Awesa i mekim dispela tok promis bihain long em i opim Mongi

Bris insait long Pindiu, hetwara bilong bikpela wara Buresong.

"Dispela projek bilong wokim rot i no bin stap insait long dispela baset tasol long olgeta yia, ol bai putim mani long wokim dispela bikpela rot stat long neks yia. Na dispela rot bai bungim ol manmeri bilong Kawbum, Wasu, Sialum na Finsafen.

"Dispela rot i ken helpim ol manmeri bilong dispela hap ples long kisim gutpela gavman sevis. Mi laik tok tenk yu long dispela gavman bilong O'Neill/Dion long kamapim planti ol samting na dispela ol rot em sampela

ol bikpela projek i stap insait long plen bilong gavman," Mista Awesa i tok.

Mista Awesa i tokim ol manmeri olsem em bai putim K10milien long olgeta yia long stretim ol rot insait long Finsafen.

"Dispela mani i no bin stap insait long dispela yia baset tu tasol mipela i putim pinis long tenda long baset bilong neks yia long stretim na strongim rot bilong Finsafen i kam long Pindiu," em i tok.

Long wankain taim tu, em i tok olsem ol i putim K68milien long putim kolta long rot bilong Boana. Ol bai stat wok long Erap Boys Town na i go long

Ol lida meri long Lutheran Sios lainim Stiwadsip

Paulus Tali i raitim

OL lida meri bilong Evanjelikel Lutheran Sios long Lae Siti Seket i bin holim wanpela stiwadsip stadi long las wik.

I bin gat 150 meri i kamap long dispela stiwadsip stadi. Ol i bin bung insait long Kalvari Lutheran Sios long Saina Taun.

Meri i go pas long stadi em Dawa Kale bilong Evangelisim Dipatmen long Lutheran Sios het opis long Ampo. Em i tok olsem ol mama lida insait long seket i mas kisim save moa olsem ol i bikpela samting long ai bilong God.

"Sapos yumi givim yumi yet bai yumi lukim moa blesing bilong God i kapsait long narapela kain pasin stret," Mis Kale i tok.

Em i tok moa olsem, liklik samting ol mama i mekim olsem long lukautim haus, wokim maket, na givim taim long famili em i rot bilong bihainim gutpela stiwadsip.

"Na Papa God em i laikim dispela kain pasin long yumi lukautim samting na i mas givim ofa i go long sios, na bai yumi inap lukim

blesing bilong em long wan wan laip bilong yumi. Em bai senisim laip bilong yumi tu," em i tok.

Het Meri bilong Lae Siti, Metty Peter i makim maus bilong olgeta mama na i tok tenkyu long meri i makim nesenel opis Evangelism Dipatmen, Dawa Kale long givim dispela stadi long ol meri.

"Yu givim mipela dispela stadi em i bikpela samting long laip bilong mipela, tasol mipela ting mipela yet inap long sanap. Nau mipela i luksave olsem olgeta samting i sanap wantaim Kraiss tasol," Misis Peter i tok.

Em i tok, insait long famili laip bilong mipela kain kain hevi olsem ol yangpela man meri i kisim spak brus, mariwana na pasin bilong kriminel na mipela yet i no save long menesim laip bilong mipela. Nau stiwadsip stadi i mekim tingting bilong mipela i klia.

Planti mama long dispela stadi i no klia gut long rit na rait tasol ol i strongim bilip na wokabout long wok bilong sios i go het long nau na bihain tu.



Nesenel Woks Minista Francis Awesa i opim Mongi bris long Pindiu, het wara bilong bikpela wara, Buresong long Morobe Provins. Foto: Bustin Anzu

PM i ranim kantri olsem dikteta: Polye

Stanley Nondol i raitim
MEMBA bilong Kandep, Don Polye i tok Praim Minista Peter O'Neill i ranim kantri olsem dikteta na i abrusim rot bilong demokrasi.

Mista Polye i mekim dispela toktok aste bihain long palamen opis bilong spika na wok man bilong em i putim Mista Polye long sindaun long oposisen sait.
Taim palamen sindaun i stat long dispela wik Tunde, Praim Minista na Lida bilong gavman bisnis, James Marape i tokim spika bilong palamen long ol i mas putim Don Polye long sindaun wantaim oposisen.

Mista Polye i painim aut olsem ol i putim em long sia bilong oposisen na em i no go insait long palamen semba na em i laik salensim dispela disisen.
Mista Polye i tokim nius lain olsem Praim Minista Peter O'Neill na PNC Pati i no gat rait long tokim spika na opis bilong kuskus bilong palamen ong mekim disisen long ol sia bilong ol memba bai sindaun long wanem sait bilong palamen haus.
Em i tok dispela kain daireksen i no stret long pasin demokrasi we PNG palamen i sanap antap long makim maus bilong ol pipel.
Mista Polye i rait i go long Opis bilong Politikel

Pati na Kenidet long lukluk long dispela bikos THE Pati i gat 14 pela memba na olgeta i stap yet wantaim gavman.
Mista Polye i tok em i laik bilong pati long bai tokim memba bilong ol bai i sindaun long wanem hap bilong palamen na i no narapela politikel pati olsem PNC Pati o praim minista. Mista Polye i tok THE pati i mekim disisen olsem ol bai stap yet wantaim gavman bilong O'Neill na i gat rispek long Alotau akod.
The Pati memba, Ijivitari memba David Arore, Raikos Open memba, James Gau na Mista Polye i autim belwari aste olsem PNC Pati i no gat rait long

tokim Don Polye i go sindaun wantaim oposisen sia insait long palamen haus.
Polye i tok PNG i gat planti kalsa na pasin i stap na ol politikel pati i kam long planti hap bilong kantri i makim ol kainkain tumbuna pasin we go gut wantaim konstitusen bilong kantri. Em i tok kain pasin nau Praim Minista i mekim long THE pati long putim em i go long oposisen i no gutpela long demokrasi na i ken kamap long ol sampela liklik pati.
Em i tok i gat lo bilong kantri i banisim dispela na i tok em putim pinis komplem long opis bilong politikel pati na kendidet long lukluk long dispela hevi.

Pawa bilong gutpela heltkea long Jiwaka

AUSTRALIA i helpim long bringim gutpela na isi heltkea sevis long Jiwaka Provins wantaim wanpela nupela haidro elektrik pawa stesin.
Dokta Geoff Clark, Kaunsela bilong Developmen Koporesen long Australia Hai Komisen i opim dispela K10 milien pawa stesin long Kudjip Nasarin Haus Sik long Trinde las wik. Insentiv Fan i bin givim mani long kirapim dispela pawa stesin i gat wanpela wara dem na wanpela 1.4 kilomita koswe na 256kw jenereta. Olpela haidro elektrik stesin bilong haus sik em i bin kisim bagarap long taim wara tait i bagarapim ples long 2008-2009. Ol asples lain yet i wok long kirapim ol dispela projek.
Edministreta bilong haus sik, Dokta Scott Dooley i tok bikpela kos bilong bikpela pawa grid na bagarap long ol masin i kamap long taim strong bilong pawa i save i go antap na i go daun, i bin mekim haus sik i lusim planti handet, tausen kina long wan wan yia na i givim hevi long helt sevis long provins.
"Dispela nupela na klinpela jenereta bai bringim pawa long helpim haus sik long nau na bihain tu. Mipela i wok long go bikpela wantaim planti moa haus bilong ol woklain tu. Dispela em i wanpela strateji bilong go longpela taim na mipela i ting dispela wara dem long stap inap 50 o 60 yia moa," Dokta Dooley i tok.
Dokta Clark i tok dispela gutpela pawa bai helpim haus sik long stretim ol hevi bilong helt insait long hailans rijon. Pawa stesin em i namba tu Incentiv Fan projek long haus sik. Long

2009 ol i bin helpim wantaim K6.5 milien long kamapim nupela haus sik wod, wanpela aut pesen wod, toilet na rum was was na sampela haus bilong ol nes.
"Dispela projek i soim olsem Papua Niugini i ken kamapim samting taim em i gat strongpela lidasip, menesmen na komitmen long helpim ol komyuniti long bihain," Dokta Clark i tok.
"Salens nau i stap em long Nesenel Gavman, Jiwaka Provins Gavman na Nasarin Sios Helt Sevis long plenim na givim ol gutpela samting bilong mekim wok na long lukautim dispela bikpela samting." Em i tok.
Kudjip Nasarin Haus sik i gat 128 bet bilong sikman na i save helpim moa long 5500 siklain long aut pesen long wan wan yia. Em i wanpela Level 5 haus sik.
Antap long dispela projek, Gavman bilong Australia i tok promis long helpim haus sik long sanapim haus bilong ol wokman meri na ol narapela bikpela wok wantaim mani mak bilong K4 milien, tasol aninit long kina tu kina skim.
Ol i givim tupela kar long haus sik bilong helpim ol sumatin bilong Nasarin Nasing Koles long go mekim ol klinik wok bilong ol long Maun Hagen Jeneral Haus sik na ol arapela helt senta insait long Jiwaka na Westen Hailans Provins olsem hap bilong trening bilong ol.
I gat 39 sumatin long nening skul nau i stap aninit long Australia Awod Pasifik Skolasip long stadi long hap.

CS Bihute no gat kar – Kalabus ranawe

Sape Metta i raitim
KOREKSENEL Institut Sevis (CIS) long Bihute autsait tasol long Goroka – Isten Hailans i sot long planti samting long lukautim na sevim ol kalabuslain.
Na wanpela long ol samting em ol i sot long en em kar bilong kisim ol kalabuslain na ol weit kot lain long i go i kam long taim bilong kot long Goroka taun.

Senia Koreksenel opisa Martin Nano i tokim *Wan-tok Nius* olsem Nesenel na Isten Hailans provinsal gavman i feil long helpim olsem na dispela i stopim planti wok bilong CIS long Bihute.
Em i tok, ol Koreksenel opisa i save yusim wanpela 25 sita bas long muvim ol kalabus na weit kot lain long i go long taun long harim kot na i go bek long banis kalabus.

Na taim bas i save mekim ol wok raun namel long rot long Bihute na Goroka taun, planti ol weit kot lain i save ranawe.
Dispela pasin i wok long kamap planti na Mista Nano i askim strong olsem, sapos provinsal gavman i ken baim na givim ol kain kain fowil draiv kar na givim i go long ol gavman ejensi long provins, olsem wanem long CIS Bihute banis kalabus?

Em i tok, dispela em i wanpela hevi, tasol i gat ol arapela hevi tu em i stap we bai i ken givim ol tingting nogut long ol kalabuslain.
Mista Nano i tok, ol sevis CIS i save givim long ol kalabuslain i no olsem bipo.
Ol i save painim taim long mekim ol samting i kamap gut, na givim gutpela sevis long ol kalabuslain, long wanem ol i no laik ol kalabuslain i kisim tingting nogut na ranawe.



Insait long Central Waigani Stop N Sop dipatmen supamak. Foto: Nicky Bernard

BIHAIN long ol i stap antap long sampela kain mani hevi, CPL Grup nau i laik traim stori bilong em gen taim ol i opim Waigani Central, em namba wan na bikpela projek bilong ol.
Dispela traipela Stop N Shop Supamak bilong CPL Grup i sindaun antap long mak bilong 5,000 skwea mita na em i bikpela bisnis i rentim dispela hap graun we ol i lusim K20 milien long stretim hap graun. Em i gat helt na biuti stua na City Pharmacy insait long en. Nupela Stop N

Sop i gat planti kain kain samting long salim na ol i putim long nupela stail bilong dipatmen stua olsem olsem Fres Sifud, Deli, wanpela Sushi ba, Buk Wol na planti moa.
Sampela mun bihain bai CPL i opim gen nupela ritel bisnis bilong ol, sais bilong em i 3,000-skwea mita na em bai bihainim tingting bilong 'Yu helpim yu yet' stua ol i kolim haus depo. Em i wankain long Bunnings na em namba tu ples bilong Paradise Cinema bisnis. Bai i gat 1,000 skwea mita klos stua

bilong ol meri, man na ol pikinini na franchise bilong wanpela berga lain stua bilong Amerika.
"Taim mipela i kamapim ol nupela kain wok bilong mekim ol stua bilong mipela i go bikpela moa yet, em mipela i ken go moa long olgeta hap bilong rijon, wantaim wankain mak bilong gutpela wok tasol," Ravi Singh, CPL Grup's Sif Eksekutiv Opisa i tok.
Ol nupela stail bilong ritel, Waigani Central bai kamap naispela kala kala samting i kamap long Mosbi

INVESTMENT PROMOTION AUTHORITY
Papua New Guinea
IPA

Associations Incorporation Act
Reg. Sec. 2, Form 1

Notice of Intention to Apply for the Incorporation of an Association

I, Douglas Jacco SIMINJI, of Morata One, Morata, National Capital District, Papua New Guinea person authorized by the committee of the association known as:

MORATA ONE NEW TOWN COMMUNITY DEVELOPMENT ASSOCIATION INC.
5-100339

give notice that I intend to apply for the incorporation of the association under the Associations Incorporation Act.

The following are the details of the prescribed qualifications for incorporation as specified in Section 2 of the Act:

REFER TO CONSTITUTION FOR MORE DETAILS OF THE OBJECTIVES.

This Notice has been approved by the Registrar of Companies.
Dated: 25/04/2014.

This notice is available to the public at the following address: <http://www.ipa.gov.pg/associations/> (unless it is a private association).
Notice generated 23 April 2014 07:36 AM PST.

Note: A person may within one month after the publication of this notice, lodge with the registrar an objection to the incorporation of the proposed association in accordance with Section 4 of the Act.

Porgera Main kamapim stet ov imejensi

Gavman i bin tok orait long kamapim stet ov emejensi (SOE) long Pogera Gol Main long Enga provins bhain sampela papa graun i hait na go digim gol arere long main.

Polis i bin opim dispela imejensi operesen long las wik Fraide.

Polis Sif ov Operesen, Deputi Komisina Simon Kauba i tok long wanpela stetmen olsem 140 sekyuriti na namel long ol em 40 ami bilong PNG difens fos na tupela Monail Skwad bilong Royal Papua Niugini Konstabulari. "SOE bai go het long taim gav-

man i wokim wanpela disisen," Mista Kauba i tok.

Nesenel gavman i tok orait long SOE long Porgera sikispela wik i go pinis, bikos lo na oda hevi i go antap na planti manmeri i hait na digim gol long main eria.

Mista Kauba i tok ol ami i gat

spesel pawa long kisim ol man na arestim o holim pasim ol.

"Mempa bilong ol sekyuriti fos i bin go pinis long Pogera long las tupela wik na ol i wok long mekim awenes long ol papagraun long stap gut insait long maining taun long Pogera.

"Mipela i amamas wantaim ol papa graun, na ol lida bilong ol, wantaim ol nesenel na provinsal lida long ol i ken givim sapot bilong ol long stretim lo na oda hevi long Pogera na ol narapela komyuniti i stap klostu long maining taun, "Mista Kauba i tok.

GOC karim Tura Kokomo raun long skul

2015 Saut Pasifik i kam klostu na ol woking komiti bilong 2015 gems i no malalo.

Ol i tok save raun ol pablik na karim bikpela pisintura raun long ol skul na komyuniti olsem dispela bikpela pilai i kam klostu.

Long Mosbi, ol i go long Gerehu polis stesin na lukim ol lokal lida na viles kot mijestrat long las wik fonde.

As bilong raun i go long skul na pablik em long toksave long ol sumatin na pablik long wok bung wantaim long plenim wanem samting bai kamap long 2015.

Gems Ogeanising Komiti maketingEksekutyv menesa Ken Siminji tok ol pilai ii no bilong ol manmeri husat bai pilai, em bilong olgeta lain long dispela kantri.

"Em i gutpela stori olgeta manmeri i mas putim han wantaim na givim wanem tingting ol i gat long holim dispela bikpela gem we PNG bai lukautim," Mista Siminji i tok.

Em i tok mipela bai lukautim dispela gem olsem kantri olsem na olgeta manmeri bilong Papua Niugini stat long ol grasrut i go antap long ol wokman na ol manmeri bai pilai na olgeta level bilong gavman i mas kamap papa bilong dispela bikpela gem long soim gutpela kala bilong PNG.

"Mipela olgeta bai mekim ol ausait kantri, pilai na tim opisa bilong ol, filim amamas long ol gutpela



wok mipela bai mekim. Nat tu mipela bai soim ol olsem mipela i gutpela lain long lukautim ol narapela gut na soim pasin bilong mipela," Mista Siminji i tok.

Em i tok ol ausait kantri bai

kam long PNG na stap liklik taim tasol na bhain ol bai go bek.

Tasol ol gutpela samting mipela bai mekim long ol bai mekim ol i hat long lusim kantri na mekim ol i ken kam bek

long sampela taim bhain.

Mista Siminji i tok dispela Gem bai mekim wanpela bikpela samting long tokim ol lain bilong narapela kantri long ol pasin bilong PNG, ol kain kain kalsa na em wanpela

kantri we i go pas long ol arapela Pasifik kantri.

Ol opisa bilong Gems Komiti na Viles Kot opisa wantaim Tura Kokomo.

Polis menesmen laik wok long ples klia

OL bos lain bilong polis i les pinis long ol polis man bilong ol long i bagarapim ol man nating we ol i no inap long mekim.

Komisina bilong polis Toami Kulunga i ol bos man bilong polis nau bai mekim save long husat i makim nabaut na bagarapim gutpela nem bilong polis. Ol bai putim ples long klia ol bikhet polis na ol yet bai pilim, bikos ol bai disiplinim ol.

Mista Kulunga i tok long las mun yet long wanpela video, i bin stap long sosel midia i soim sampela polis yunit i karim polis dok dispela dok i kaikaim dispela man na bhain ol i tokim em long ranawe long bus.

Mista Kulunga i tok ol polis i no inap long wokim olsem long ol lain we inap long lukautim ol.

Em i tok em i dairektim wanpela wok painimaut ii mas kamap long mekim wok painim aut. Na husat man ii asua long dispela em ol bai mekim save.

"Konstabulari na memba bilong em i no gat pawa long mekim kain olsem na givim ol panismen long ol man husat i brukim lo. Mipela i wok long wanpela lo we olgeta man i no asua yet bhain lo i painim ol i asua long Kot. Ol kain pasin olsem i kamap long ol polis o polis dok bai no inap long kamap aninit long menesmen bilong mi," Mista Ku-



Komisina bilong polis Toami Kulunga

lunga i tok.

Mista Kulunga i tok ol bai putim ol ansa bilong dispela wok painim long midia long olgeta manmeri bai lukim.

Long wankain taim, 10-pela polis man wantaim wanpela komisen polis opisa ol i holim pasim na sasim. Ol i katim lek bilong 74-pela pipel we polis i saspek long 7-mile long Nesenel Kapital Distrik (NCD). Ol dispela polisman i stap nau long Kot.

Mista Kulunga i tok tu olsem polis bai mekim wok painim long sampela polisman i brukim wanpela stua long Gerehu. Sapos ol i painim olsem sampela asua, ol bai givim mekim save long ol.

Wanpela prinsipel loya sanap long Kot

WANPELA bos man o prinsipel loya bilong wanpela praivet loya kampani i sanap long Kot long Waigani Komital Kot long dispela.

Philemon WassKorowi, bilong Korowi Loya i bin kamap long kot bhain long em i paitim tambu meri bilong em.

Dispela trabel i bin kamap long Mosbi long dispela yia.

Tambu meri bilong Mista Korowi i putim ripot long polis long em i kam long kot tasol Mista Korowi i no bin kamap long Kot.

Bhain Metropolitan Supritenden Andy Bawa i toktok long midiana

askim Mista Korowi long putim em yet i go long han bilong polis.

Mista Korowi i bin go long polis em yet na Kot bilong em i bin stat.

Mijestret Pission Pindipia bilong Waigani Komital Kot i skruim kot bilong em go long Jun 5, 2014 bhain ol i no stretim sampela pepa.

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

PORT MORESBY: 323 2658 | Digicel: 7215 0333 / 7217 9815
 LAE: 472 6324 KOKOPO: 982 6748 | email: machinery@agmark.com.pg

Minista opim Wol Malaria De

INSAIT long Papua Niugini, malaria i save kilim i dai 7,000 pipel long wan wan yia na 1.9 milien pipel i save kisim dispela sik.

"Malaria i save birua long olgeta lain long laik bilong em yet. Klostu 90 pe sen bilong olgeta 7 milien pipel bilong yumi i stap long mak bilong birua bilong sik malaria olgeta de," Helt Minista Malabag i tok.

Helt, HIV/AIDS Minista, Michael Malabag i bin mekim dispela toktok long taim bilong Wol Malaria De kibung na komyuniti awenes kibung long Kemabolo Praimeri Skul, Rigo Distrik long Sentral Provins. Nesenel Dipatmen wantaim Nesenel Kepital Distrik Helt Sevis na Sentral Provins Helt sevis i bung wantaim long mekim luksave bilong dispela de long Epril 25.

Long wankain taim tu ol i bin autim Nesenel Malaria Kontrol Stratejik Plen 2014 – 2018, na long tingim Wol Helt De 2014. Ol tisa, sumatin, ol papamama na ol komyuniti long ples i bin kamap long harim ol toktok. Tasol long dispela taim, Sentral Provins Gavana, Kila Haoda wantaim memba bilong Rigo Open, Ano Pala, Wol Helt Ogenaisesen Kantri Rep, Dokta Pieter Van Maaren wantaim Sekerteri bilong Helt, Pascoe Kase i bin stap tu.

Bikpela tingting bilong dispela Wol Malaria



Minista bilong Helt na HIV/AIDS, Michael Malabag. Foto: Ennio Kuble (Helt Dipatmen)

De i tok, "Tingim bihain taim, Daunim Malaria." Na tu Nesenel Dipatmen ov Helt i mekim luksave bilong Wol Helt De wantaim Wol Malaria De, bilong wanem bikpela tingting bilong Wol Helt De em 'Vekta bon disis' na i tok natnat em i namba wan binatang bilong karim malaria.

Minista Malabag i tok bihainim dispela het toktok, wantaim narapela tok piksa olsem, 'Yumi bai kamautim wanem samting yumi yet i planim.'

"Yumi no inap long brukim malaria parasait long ol natnat husat i save karim binatang bilong sik malaria. Em i wanpela sik nogut na em i kilim i dai pinis planti, pikinini na ol bikpela manmeri insait long famili bilong yumi wan wan tu.

"Tasol tude mi gat bikpela amamas long tokaut olsem Papua Niugini i kamapim planti gutpela wok pinis long daunim hevi bilong malaria. Namel long 2004 na 2009 nesenel malaria kontrol program i kisim sapot bilong Global Fan Egens AIDS, Tubekulosis na Malaria insait long Raun 3 gren na raun 8 long 2009 i go 2013 malaria gren. Dispela gren i helpim mipela long winim sampela bikpela wok bilong daunim malaria." Mista Malabag i tok.

Em i tok, sampela risets ripot bilong

Medikal Risets Institut i soim olsem klostu 65 pesen bilong ol haus i gat gutpela taunam i gat marasin, na moa long 90 pesen bilong helt senta ol i sekim, i soim olsem ol i gat namba wan marasin bilong malaria i stap long bakstua bilong ol. Tasol em i tok moa olsem i gat bikpela wok i stap yet.

"Long narapela 5 yia bihain yumi laik lukim 95 pesen bilong ol haus i mas i gat tupela gutpela taunam na ol pipel i mas slip insait long moskito net olgeta nait," Mista Malabag i tok.

Stadi bilong PNG IMR i tokaut olsem 40 pesen bilong ol pikinini krismas bilong ol 5 i go daun na 41 pesen bilong ol mama i gat bel, nau i save slip insait long taunam.

Tasol bai yumi mekim wanem samting tru long rausim malaria long kantri?

"I gat 4-pela samting yumi ken mekim; gavman i mas stap strong long pait long daunim malaria stat long sentral level i go long ol provins, distrik na ol LLG na wod; i mas gat ol dona husat i wanbel long givim mani; i mas gat malaria kontrol wok i kam long praivet sekta, non-gavman ogenaisesen, komyuniti bes ogenaisesen na ol sios. Na ol pipel bilong Papua Niugini yet i mas stopim malaria," Mista Malabag i tok.

Sios helpim rurel helt sevis long go het

HELA Provinsal Gavman wantaim Yunaitet Sios i kirapim wanpela helt etpos/klinik insait long Karekare na Wagifa ples long boda bilong Enga na Hela Provins wantaim mani mak bilong K90,000.00.

Gavana bilong Hela Provins, Anderson Agiru i bin putim K60,000.00 na Sios Patnasip Program bilong Yunaitet Sios bilong PNG (CPP) i putim K30,000.

Wagifa na Karekare i stap longwe tru long ol bikrot na taun, arere long bikpela wara Wage. Wara i kamap olsem mak bilong wan wan graun bilong ol famili. Planti bilong ol ples i stap long as bilong ol maunten na long ples daun. I gat

116 viles na haus lain wantaim 20,000 populesen na 4-pela sios i lukautim ol. Ol dispela sios em Katolik sios, Seven De sios, Yunaitet Sios na Nu Apostalik sios.

Wanpela ripot i kam long Yunaitet Sios Program Developmen Opis i tok, inap long 37 yia nau, gavman sevis i no kamap gut bikos long ol bikpela pait i save kamap namel long ol pipel. Ol pipel i save wokabaut moa long 7 o 16 aua long kamap long wanpela helt senta bilong ol sios long kisim helpim.

Wanpela Yunaitet Sios Helt Senta em i stap 16 aua wokabaut i go long Sautwes bilong Wagifa ples na 7 aua wokabaut i go Not Is long Longap

Luteran Helt Senta long Enga. Wagifa etpos /klinik bai i bringim bikpela helpim tru long ol pipel long dispela ples na ol ples i stap klostu long ol. Dispela i sotim taim bilong wokabaut i go daun long 3-pela aua tasol.

Em i wanpela projek aninit long CPP helpim ol mama na pikinini. Nau bai helt patrol tim bilong Longap Helt Senta i ken gat hap long go mekim klinik raun bilong ol. Yunaitet na Luteran Sios i wanbel long Longap Helt Senta bilong Luteran sios bai lukautim dispela helt senta bilong Yunaitet sios.

Yunaitet Sios wantaim Yunaiting Wol long Australia i gat

plen long baim wanpela sola pawa na kol sen long holim ol marasin bilong banis sut long yusim long etpos/klinik.

Yunaitet Sios i bin painim wanpela helt woka bilong Milen Be, Jimmy Kenny, husat i wanbel long wok olsem wanpela misineri long dispela ples. Em bai i stap 3-pela yia na bihain bai givim wok i go long wanpela asples man o meri na em bai go bek long provins bilong em.

Wok bilong Jimmy Kenny em long luksave long ol yangpela lain long kamap komyuniti helt woka aninit long trening program bilong CPP. Na bihain long tripela yia em bai givim wok i go long ol asples man o meri.



L-R Jimmy Kenny, misineri komyuniti helt wok, Bisop Rev. Wai Tege na Roman Pembis, HIV/AIDS Kodineta bilong Yunaitet Sios i stap long taim bilong opim klinik.

Bikpela moning ti long helpim Kensa Faundesesen

Papua Niugini Kensa Faundesesen (PNGCF) i holim pinis namba wan Bikpela Moning taim Ti long las wik na i makim stat bilong dispela kempein wantaim meri bilong Praim Minista, Linda Babao O'Neill.

Em i stat bilong ol dispela kain kempein bai i go inap wan mun na em i stat wantaim "First Lady's High Tea," we ol i bin holim insait long Grand Papua Hotel. Misis O'Neill i opim dispela kibung na i tok tenkyu long ol lain i kamap.

Em i skruim toktok i go long ol narapela lain insait long komyuniti long ol i ken rejista wantaim PNG Kensa Faundesesen long holim wanpela ti insait lon g dispela mun. Bikpela tingting bilong kempein bilong dispela yia em long mekim ol



Meri bilong Praim Minista, Linda Babao O'Neill i sanap wantaim CEO bilong PNG Kensa Faundesesen, Dadi Toka Jnr, namba tu siameri bilong Faundesesen, Linda Sirigoi, Simon Winchester Grup Maketing Menesa bilong BNG Treding, Jon Pitter, Jeneral Menesa bilong Sels na Maketing, na Jasmin Sillorar.

komyuniti i save moa long maus kensa, we em i namba tu bikpela kensa ol lain Papua Niugini i save kisim. Long dispela taim maus kensa em i holim 15 pesen bilong olgeta bikpela sik kensa lain i save go long ol haus sik long kantri.

Dispela em i namba wan yia PNG Kensa Faundesesen bai go pas long holim ol bikpela moning ti kempein, insait long mun Me. Dispela kain kempein i bin stat long PNG long yia 2011, aninit long Pot Mosbi Kensa Rilif Sosaiti (POMCRS). Ol i save holim long olgeta yia.

POMCRS nau i go insait na bung wantaim PNG Kensa Faundesesen long mekim wok bilong stopim ol kensa, mekim sekap na luksave hariap long ol lain i kisim kensa.

Nau wantaim sponsa bilong BNG Treding, PNG Kensa Faundesesen i holim Bikpela Moning Ti long 29 Epril na makim Lipton olsem namba wan bikpela sponsa bilong dispela kempein.

"Mipela singaut long ol pipel long ol i mas kam insait na givim han long dispela yia," Deputim Siameri bilong PNGCF, Lynda Sirigoi i tok.

"Mipela laikim komyuniti long kam insait, na mipela i opim dua long ol lain olsem ol komyuniti grup, ol bisnis haus na ol skul long rejista fri wantaim PNGCF na yu ken holim wanpela moning ti long helpim wok bilong PNGCF. Kensa em i sik we i save bagarapim yumi olgeta olsem na dispela fanresing em bai helpim yumi long bikpela we stret," Mis Sirigoi i tok.

BSP helpim Meri Seif Haus

PASIN bilong paitim meri i wok long kamap bikpela yet long Papua Niugini.

Ol meri i save kisim hevi long pasin bilong vailens insait long haus na famili i no save kisim helpim tumas long planti lain, tasol i gat ol wok marimari olsem City Mision i stap na i save lukautim ol na givim sapot long ol. Em i gat tupela seif haus long Pot Mosbi, em Haus Ruth long Ela Beach, na Meri Seif Haus long Kaugere.

Benk Saut Pasifik (BSP) i lukim olsem City Mission i save mekim gutpela wok long lukautim na helpim ol meri i kisim bagarap long hevi bilong pait insait long famili, olsem na em i helpim ol.

Klostu taim nau bai ol dispela meri seif haus i senis. Dispela ol senis bai mekim ol senta i kamap gutpela bilong ol meri na pikinini husat i painim ples bilong hait na banisim ol yet long ol hevi ol i bungim long han bilong



Meri Seif Haus long Kaugere.

ol lain long haus o ausait.

Operesen Stretijik Bisnis Yunit bilong BSP bai mekim wok bilong stretim ol haus long senta olsem wanpela bilong ol Komyuniti Projek bilong benk. Dispela projek em i wanpela bilong ol 37 komyuniti projek BSP i laik

mekim insait long dispela yia long helpim sait bilong edukesen, helt, envairomen na spot.

Long Kaugere, ol bai mekim planti moa rum long mekim bikpela spes bilong moa meri i ken go na slip gut. Ol woklain bilong benk bai helpim long putim

olgeta bet, sia na tebol na kabot insait long Haus Ruth. Na tupela senta wantaim bai kisim gutpela sekyuriti wantaim ol strongpela lok long ol haus. Ol bai penim tupela haus long 'go grin' kala wantaim kala pen bilong BSP benk.

Meri Seif Haus Kaugere Edministreta, Pasto Mary Morah i tok helpim bilong BSP bai mekim bikpela senis long we bilong helpim ol meri na ol pikinini taim ol i kisim hevi long pasin bilong vailens long famili.

"Insait long mun i gat olsem tripela meri i save kam hait insait long hia. Mipela i save skulim ol long kisim gutpela tingting. Mipela helpim long spirit sait bilong ol long ol i ken kirap na sanap gen," Pasto Morah i tok.

"BSP i helpim mipela long bringim bel isi insait long haus na komyuniti. Em i helpim mipela long lukautim ol dispela meri na pikinini long gutpela pasin," em i tok.

U.S. Embesi i helpim ol bisnis meri

GAVMAN bilong Yunaitet Stets (USA) i wok long sapotim ol yangpela meri long Melanesia long kamap gutpela bisnis meri.

Bihain long wanpela Women Forum U.S Embesi na Gavman bilong Papua Niugini i sponsa long en, na bihain long ol i harim planti ol lain i toktok long bisnis, nau Embesi i tokaut olsem bai i gat narapela Wimen Lidasip Semina gen long Hawaii.

Embesi i wok long painim ol sampela meri i gat gutpela tingting bilong wokim bisnis long go long dispela bikpela trening. Ol meri bai redi long go long Hon-

olulu na Maui, Hawaii long Julai 14 i go long 26, 2014. Bikpela tingting bilong 2014 semina em "Ol meri bai kamap olsem ol lain bilong kamapim nupela rot bilong mekim bisnis: Long kamapim ol wok na strongim ol komyuniti."

Lidasip Semina 2014 long Senisim Pes bilong ol Meri bai lukluk moa long wok bilong kamapim nupela tingting na pasin bilong mekim bisnis we bai kamapim moa wok bilong ol lain insait long komyuniti. Ol lain i go kisim trening bai inap long kamapim ples klia ol save bilong

ol long kamap wantaim nupela kain pasin bilong wok bisnis. Ol bai luksave long pasin bilong ekspiriens wantaim save i save kamapim bikpela samting long mekim ol ikononik ektiviti i go bikpela wantaim nupela wok na komyuniti developmen. Insait long trening bai ol i toktok long ol nupela rot bilong mekim bisnis i ken wok wantaim ol komyuniti.

Dispela trening wokabaut em bai kamap insait long 12-pela de na em i makim stret ol meri i mekim bisnis insait long ol Pasifik Ailan na long Yunaitet Stet.

Is-Wes Senta na Shidler Koles

ov Bisnis long Yunivesiti bilong Hawaii, Manoa i putim mani long kamapim dispela semina.

Ol bai helpim 10-pela meri long Pasifik, em Papua Niugini, Solomon Ailan na Vanuatu tu i stap insait. Dispela sponsa i karamapim olgeta kos bilong 2 we tiket i go na i kam long Honolulu, ol visa fi, helt insurens na long baim kago. U.S. Embesi long Pot Mosbi bai lukluk long baim dispela ol fi bilong ol narapela meri long Papua Niugini, Solomon Ailans, na Vanuatu husat i stap long lista bilong go.

Bikpela Kassam rural haus sik bai kirap

Sape Metta i raitim

KASSAM Helt Senta em Evangelikel Brotherhood Sios (EBC) i save i go pas long lukautum bai kamap wanpela levul bikpela rurel haus sik long Isten Hailans.

Isten Hailans gavana Julie Soso Akeke wantaim lokal memba bilong Obura/Wonenara ilektoret Mehrra Kipefa i brukim graun long makim wok i kirap nau long apgredim ol haus na arapela samting lonf mekim em i kamap bikpela rurel haus sik.

EBC sios na helt seketeri Kaiok Japalis i tok, dispela em i wanpela bikpela impek projek em Isten Hailans gavana Akeke na memba Kipefa i gat bikpela laik tru long sapotim.

Em i tok, dispela projek i kamap bikos long gutpela tingting bilong Isten Hailans Provinsal Helt Atoriti na EBC. Ol i bin wanbel long wok bung long apgredim dispela helt senta na mekim em

i kamap wanpela rurel haus sik.

Japalis i tok, EBC sios i bin putim han i go antap long kisim dispela projek, long wanem, em i gat tingting long helpim na givim gutpela besik helt sevis i go long ol lain long rimot eria husat i save painim taim tru long kisim gutpela helt sevis.

Em i tok, Kassam rurel haus sik bai i no inap givim sevis long ol pipela bilong Obura/Wonenara distrik tasol – em bai givim sevis i go long ol pipel bilong Kainantu, ol lain manmeri na pikinini husat i save ran i go i kam long bikpela Okuk Hailans Haiwe, ol pipel bilong Morobe na Madang provins tu.

Misis Akeke na Mista Kipefa tu i bin givim wan milien kina (K1m) wan wan long sapotim wok bilong dispela haus sik. Na tupela i bin i go pas long dispela seremoni i bin kamap long EBC misin sental.



Graun breking seremoni – Kassam haus sik...Gavana bilong Isten Hailans Julie Soso Akeke na memba bilong Obura/Wonenara Mehrra Minne Kipefa i brukim graun bilong statim wok bilong apgredim Kassam Rurel Haus sik.



Yut, Meri na Famili

Pastor Barbara Lunge

Wokim gen banis wantaim ol ston i sain moa

Nehemia em i wanpela man bilong beten. Em i bin krai taim em i harim olsem ol banis bilong Jerusalem i bin bruk. King i wanbel na larim em i go long stretim dispela banis. Em i kamap na i bungim bikpela birua i laik stopim em tasol wantaim helpim bilong God, em i bin pinisim olgeta wok. (Nehemia 1:3-4)

Dispela stori i ken kamap piksa bilong Papua Niugini. Nogat banis bilong siti i min olsem ol pipel i no gat samting bilong pait long strong na pait long birua. O ol bainis i bruk i ken minim olsem ol marit i bruk na man na meri i stap longwe, o em i ken minim olsem kilim ol man husat i piksa bilong God, o korapsen insait long bisnis na gavman. Olgeta dispela samting em i soim olsem yu wok long brukim ol lo bilong Bikpela God na banis bilong God i no stap wantaim yu. Belhat na kot bilong God nau i stap antap long graun bilong Papua Niugini, long olgeta blut i kapsait nating na long ol lain i brukim lo bilong em. Mi bilip olsem planti bilong yupela i wok long stretim gen banis long pasin bilong bringim Gutnius i go long ol manmeri long senisim laip bilong ol.

God i save yusim ol ston i dia tumas long wokim bek ol banis i bruk na em i save bringim amamas i save stap oltaim long ol pipel bilong kingdom bilong em. Bikpela i save putim hevi long bel i bruk long ol wokboi bilong em long ol i no ken malolo long pinisim wok (Isaiah 62:1-4). Dispela em i las aua bilong yu long pilai las gem. Na ol pikinini bilong God i mas patna wantaim Holi Spirit bilong God long wokim gen ol banis bilong siti olsem ol wokboi bilong Bikpela. "...Mi bin putim ol wasman, nau ol bai i no inap pasim maus long san na long nait. Mi bin tokim ol olsem, 'Yupela ol man bilong singaut long Bikpela, yupela i no ken malolo. Nogat. Yupela i mas strong long singaut long em i go inap em i mekim Jerusalem i stap strong gen, na Jerusalem i kamap nambawan tru long ai bilong olgeta manmeri bilong graun.' (Aisaia 62:6-7)

Ol ston i dia tumas na i lait moa em i tok long laip bilong ol bilipman na bilipmeri bilong Bikpela. Strepela pasin bilong bihainim lo bilong God na bel isi bilong en insait long laip bilong bilip man em i olsem ston i dia tumas na i lait moa. Singaut i kam long ol bilip lain long no ken malolo long beten san na nait long God bai i no ken larim belhat bilong en antap long nesen bilong yumi. Pasin nogut bilong yumi long bagarapim laip i kisim ia bilong God na belhat bilong em i stap. Tasol olsem Nehemia, sapos yumi brukim skru na krai long nem bilong nesen bilong yumi, God bai senisim tingting na sevim yumi.

"Na long olgeta hap graun yu bosim bai i no gat nois moa bilong ol man i pait nabaut na brukim na bagarapim ol samting. Na bikpela banis bilong yu bai i gat nem olsem, 'Bikpela i kisim bek pinis ol manmeri bilong en.' Na bikpela dua bilong yu bai i gat nem olsem, 'Givim biknem.' (Aisaia 60:18)

Sapos yu laik toktok moa o yu nidim prea, yu ken rait long: Evangelis Barbara Lunge, ROGIM, P.O. Box 3063. Boroko. NCD. PNG, o ring long 70995378 dg

K100,000 bilong Kote Distrik sinod

Bustin Anzu i raitim

WOK redi bilong bikpela ki-bung o sinod bilong Evanjelikel Lutheran Sios bilong Papua Niugini ((ELCPNG) i stat pinis. Distrik husat bai go pas long sinod i stat long mekim ol wok redi nau.

Gavana bilong Morobe Kelly Naru i tokim Kote distrik bilong olsem ol mas stat redi long kisim dispela sinod. Em i tok wok bilong redim ol plesn bilong sinod mas kirap nau na i no klostu taim bilong sinod.

Em i mekim ol dispela toktok long ol manmeri long lsta

Sarere long Pindiu taim em i givim K100,000 long helpim ol i mekim ol wok long redi long dispela sinod.

“Yumi mas mekim wok redi bilong kamapim dispela sinod. Mipela i bin kisim dispela sinod long Karkar long stat bilong dispela yia na mipela mas mekim paia nau long dispela sinod i mas go het. Mipela i no ken redi long las minit,” Gavana Naru i tok.

Em i tok dispela sinod em bai kam bek long asples bilong wok miti insait long kantri na bai wanpela bikpela bung bilong ol bilip manmeri bilong Lutheran Sios olsem na wok

redi i mas kamap long nau yet.

“Planti ol Lutheran bilip manmeri na husat i wok wantaim Evanjelikel Lutheran Sios bilong Papua Niugini insait long wol tu bai kam long witnessim dispela bung na mipela mas plen long dispela sinod,” Gavana Naru i tok.

Presiden bilong Kote Distrik, i bin kisim dispela mani na tok amamas long Gavana bilong Morobe, Naru long bikpela luksave long mekim dispela wok bilong sios.

Em i tok bai ol i yusim dispela mani bai long planti wok bilong redi long dispela sinod.

Mani bilong dispela bikpela

bung bilong Lutheran Sios, K100,000 i kam long CAPP o Kristen Sios Patnasip Program bihain long Morobe Provinsal Gavman i putim long wok bung wantaim ol sios insait long provins, na tu ol narapela sios insait long kantri.

Dispela luksave bilong helpim ol sios i kamap long las yia, bihain long Provinsal Eksekutiv Kaunsil o PEC i givim tok orait long gavman bilong ol i ken helpim ol sios wantaim wan ten (1/10) bilong mani ol i save kisim long wanpela yia na wokim baset bilong narapela yia.



Namba yu kolim i bisi

Las wik Trinde nait, wanpela drag bodi/man bilong spak long mariwana i bin kamap long haus bilong mi long biknait, 12 klok. Em i singaut strong long mi, tok nogut na swerim mi planti taim. Mi belhat na kros long em.

Dua bilong get i stap opim yet olsem na mi kisim lok na lokim. Taim mi go bek insait long haus, em i singaut na tok nogut na askim mi long opim get.

Bikos mi no opim get, olsem na em i krol olsem dog aninit long get na kamap long haus dua bilong mi. Em i kisim ston, tromoi antap long kapa na narapela ston i paitim wol bilong haus.

Bikos mi no rispond, olsem na em i kamap long dua, pairapim dua planti taim na brukim dua bilong haus.

Mi belhat na kirap long bet, go long dua na paitim mekim pairap long insait. Em i surik na ranawe long graun.

Sampela man bilong neks dua i harim na ol i kamap long paitim em. Ol i traim i go insait long ples bilong mi tasol get i lok olsem na ol i askim mi kam opim get long ol. Wankain taim drag boi i krol aninit long get. Ol i paitim em nogut tru na tokim mi long ringim polis.

Mi ringim 000, tasol nek bilong fon i tokim mi long ringim 112 na wanpela nek i tok, “Namba yu kolim em i bisi. Traim gen long sampela minit bihain.” Mi ringim gen na mi ring gen na mi ring gen.

Klostu tupela aua mi bin ringim 112. Tasol mi kisim wankain bekim. Mipela i holimpasim drag boi na wetim polis i kam na kisim em. Tasol namba bilong polis mipela i ringim i bisi olgeta taim. Wanem samting bai yumi kisim long polis long taim bilong imejensi nau?

Mi bilip olsem i no mi tasol i bin ringim 112 long askim helpim long taim bilong imejensi. Planti manmeri i bin ringim 112, tasol ol i kisim wankain bekim olsem mi.

Narapela de bihain mi stori wantaim sampela manmeri long wanem samting i kamap long nait na wanem samting mi harim long Imejensi namba bilong Polis 112.

Ol i tokim mi: **“Pater.....Polis bilong yum i no gat namba nau. Yumi mas hairim sampela polis na stap olsem kastama bilong ol olgeta taim. Sapos yumi baim ol olgeta taim, taim yumi ringim praivet namba bilong ol, wantu tasol ol i bai kamap long haus dua bilong yum. Nogat mani nogat helpim! Nogat mani nogat helpim bilong polisman.”**

Toktok bilong ol i mekim mi tingting planti. Mi no bilip olsem olgeta polis i gat wankain pasin. Sampela i gat bikpela komitmen bilong ol long helpim manmeri i gat nid long taim bilong imejensi.

Wan wan polis tasol i mekim pasin nogut na bagarapim nem bilong olgeta polisman na meri bilong PNG.

Narapela i tok, **“Polis bilong yum i korap. Yumi kisim namba bilong stesin komanda. Sapos imejensi i kamap olsem, yum ringim namba bilong em. Em bai givim oda long ol polis long kam.”**

Dispela kain tingting mekim mi askim mi yet: **“Bilong wanem ol i putim dispela imejensi namba? Wanem kain formesen na edukesen ol i kisim long taim bilong trenning? Wanem kain Modenaisesen Program Praim Minista i bin lonsim las taim? Olgeta i stap olsem so long narapela kantri olsem yum i gat naispela program i stap. Tasol em i no wok?”**

Plantit taim mi save tingting. Sapos dispela pasin i stap olsem kalsa bilong yum, wanem

Ol Katolik Bisop bung long Mosbi

Veronica Hatutasi i raitim

SAMTING olsem 21 Katolik Bisop bilong PNG na Solomon Ailan i bung nau long Emmaus Konprens Senta long Don Bosco Teknolojikel Institutut (DBTI), Taurama long Mosbi long Anuel Jenerel Miting (AGM) bilong ol.

Dispela em namba 55 bung bilong ol Katolik Bisop bilong PNG na Solomon Ailan.

Long dispela bung, ol bisop i save toktok long ol samting i karamapim sios wok, ol sevis long helt, edukesen, sosel na ol narapela sevis eria. Ol i save toktok tu long ol bikpela samting na hevi kantri na pipel i bungim long dispela taim.

Ol bai skruim bung klostu long 10-pela de, stat long Me 1 na pinis long de namba 10.

Olgeta yia, ol bisop i save sindaun long AGM long ol wan wan daiosis ol i save makim.

Bihain long sampela yia nau, ol i holim bung long Mosbi.

Jenerel Seketeri bilong Konprens bilong ol Katolik Bisop long PNG na Solomon Ailan (PNGCBC), Pater Victor Roche, i tok het tok long bung bilong dispela yia em: “Evanjelaisesen insait na wantaim long Famili” bikos long olgeta de, ol spirituel, sosel na moral (o stretpela pasin) velyu long ol famili long PNG na Solomon Ailan i wok long bagarap.



TAIM BILONG KISIM LIKLIK MALOLO: Bisop bilong Vanimo, Cesare Bonivento PIME, Bisop Peter Ramsden bilong Angliken Daiosis long Pot Mosbi na Bisop bilong Bereina, Rochus Tatamai i sanap toktok long belotaim malolo. Bisop Peter na Pater Danny Guka bilong Angliken Sios i stap olsem ol obseva long bung bilong ol Katolik bisop.

Poto: Veronica Hatutasi

“Yumi mas skelim na glasim famili laip long dispela kantri,” Pater Victor i tok.

Em i tok ol bisop i toktok tu long ol samting i sut long bilip na laip bilong ol pipel long tupela kantri (PNG na Solomon Ailan).

Em i tok ol narapela bikpela samting ol i toktok long ol long 10-pela de bung em long ol asailam sika long Manus, envairomen, korapsen na ol arapela moa.

“Sios i mas makim maus bilong ol tarangu na ol dispela i no

gat lain i makim ol long toktok na autim ol wari, hevi na tingting bilong ol.” Pater Victor i tok.

15 seketeri bilong ol wan wan Komisin wantaim CBC i stap tu long bung long toktok long ol samting i karamapim edukesen, helt, famili laip, yut, leiti, HIV na AIDS, evanjelaisesen, pastorel plen na ol narapela moa.

Askim i go long ol gavman minista na ol seketeri bilong helt na edukesen i kamap tu long bung na givim toktok bilong ol.

Bihain long dispela bung i pinis, ol bisop bai go long Wellington, Nu Silan long stap insait long wanpela wik bung bilong ol Katolik Bisop bilong Oseania (FCBCO).

Bung bai stat long Me 12 na pinis long de namba 16.

Samting olsem 70 bisop bilong Australia, Nu Silan, Oseania, PNG na Solomon Ailan bai stap long dispela kibung long toktok long ol samting i karamapim sios na pipel bilong ol.

CRADIO i yusim intanet long promotim ivanjelaisesen

...Planti Australia pipel no bisi long lotu

Veronica Hatutasi i raitim

TAIM planti senis olsem nupela teknoloji na komyunikesen i kamap long wol tude, Kristianiti tu i yusim ol nupela teknoloji long strongim wok ivanjelaisesen, go aut long ol famili, ol yut, ol lain i stap longwe long ol peris na sios na moa.

Redio em i wanpela rot tude yet i go strong yet long mekim ol wok evanjelaisesen, tasol em i yusim ol nupela teknoloji nau long go aut long planti pipel.

Em long intanet, sosel midia olsem Facebook, Twitter, video, tokbek so, ol homily na o skul toktok progrem.

Foapela de konprens i bin kamap las wik Fonde inap long Sande long Katolik Tiolojikel In-

stitut (CTI) long Bomana seminari i bin glasim sosel komyunikesen na lukluk long redio na wok em i mekim long ivanjelaisesen o kisim tok bilong Bikpela na bilip i go aut long wol.

Het tok bilong konprens em, “Redio na nupela Ivanjelaisesen.”

Moa long 100 pipel i gat long em ol sumatin i skul pater long CTI, ol leksera, ol rilijes na sampela ges spika i kam long ovasis i bin stap long dispela konprens.

Wanpela long ol ges spika em Luke Streher, wanpela yangpela Katolik man i wok wantaim CRADIO (Catholic Radio) long Sydney, Australia.

Luke i bin toktok long ekspiriens bilong em wantaim CRADIO we em i wok long tu-

pela yia nau.

“Kristianiti i gat salens na long Australia, pipel i stap long nupela dijitel wol bilong nupela teknoloji we intanet, sosel midia, mobail fon i stap long han bilong ol.

“Planti pipel long Australia i bisi long ol nupela senis na teknoloji na ol samting bilong graun, na ol i no bisi long lotu.

“Long las 20 krismas, em i go olsem na i go wos o i no gutpela.

“Tasol mesej o toktok bilong Pop Francis we em i tok, “Intanet em i presen bilong

God” i stap, tasol rot yum yusim bai kamapim gutpela samting o nogat.

“Modernization ol nupela we bilong laip na ol nupela teknoloji i bosim wol tude, tasol mesej long Kristianiti i stap

wankain,” Luke i tok.

Em i tok planti pipel na moa yet, ol yangpela long Australia tude i gat intres long ol samting bai givim ol ansa hariap na olsem, planti i gat nait long 18 na 25 krismas i save kilim ol yet bikos long “culture of emptiness” o i no gat samting moa long helpim ol taim ol i bungim hevi.

Em i tok nau CRADIO i go aut na pulim planti pipel long intanet redio streteji we ol i yusim long ol klasrum na ol peris, sosel midia, podcasting, so ol i kolim Our Queen, Our Mother, Rit na autim tingting, Faqcebook na Twitter.

Em i bin givim ol piksa we ol narapela Katolik pater i statim ol televisen na redio so progrem long promotim ol tising o skul bilong sios.



Ol lain bilong World Health Organisation i wokim tok lukaut olsem strongpela marasin o Anti-Biotic olsem long piksa hia i no strong moa na no gut planti pipel bai stat long dai gen long ol liklik sik.
Poto: ABC



Pompus Katolik Yut bilong Wabag, Enga Provins i singim song na danis long yuniti bilong Enga long taim Helt Minista na Provinsel Gavman i sain-im Enga Provinsel Helt Atoriti long las wik.

WHO i wari olsem ol Anti-Biotik marasin bai no nap stopim sik.

Ol lain bilong World Health Organisation i mekim tok lukaut olsem strongpela marasin o Anti-Biotic i no strong moa na no gut planti pipel bai stat long dai gen long ol liklik sik.

WHO i wari olsem pasin bilong yusim nating nating Anti-Biotik bai mekim planti pipel long Wold i dai.

Long nupela ripot bilong en, em i tok anti-baiotik marasin i no nap moa long pinisim ol sik.

Ol i tok wanpela as bilong dispela marasin i no save wok gut moa, em olsem ol pipel i save yusim nating nating, maski ol i no gat bikpela sik tumas na dispela i save bagarapim dispela marasin.

Dispela ripot bilong WHO i mekim tu sampela bikpela wok we pipel i ken bihainim long daunim dispela wari.

Wanpla em, long ol kantri long wol i mas strongim ol wok bilong lukim olsem oli save gut long husat man, meri na pikinini i save yusim anti-baiotik na tu, olsem ol pipel i no ken kisim nating nating sapos ol i gat liklik sik tasol.

wik i kam i wanpla pasin no gut tru.

Dispela pasin bilong Mista Abbott i kamapim pinis ol hevi wantaim gavman bilong Indonesiua.

ABC niusman, Andrew Greene, i ripot i kam long Canberra olsem Presiden Susilo Bambang Yudhoyono i bin askim Mista Abbott long go stap long wanpela miting long Bali long wik i kam.

ABC i save olsem Praim Minista Abbott i stopim dispela raun bilong en i go long Indonesia bihainim wanpela wok em Australian boda proteksen lain i wok long mekim long salim bek wanpla bot i wok long karim ol asailam sika i go bek long Indonesia.

Ol i tok Mista Abbott i no laik go, no gut em bai mekim President Yudhoyono i sem.

Tasol Deputi lida bilong Labor Pati, Tanya Plibersek, i tok praim minista i no laik tokaut gut long dispela pasin em i mekim.

Ol i tok tingting bilong Indonesia long askim Mista Abbott long go long Indonesia em long stretim ol hevi i stap namel long tupela kantri long ol asailam sika.

Narapela samting i bin kamapim hevi namel long Australia na Indonesia em pasin we Australia i bin mekim long harim hait telepon bilong President long yia 2009.

Dispela i bin kamap taim Labor Pati i bin lukautim gavman bilong Australia.

PNG seasonal bosman i tok emi no stilim

WANPELA man Papua New Guinea (PNG) husat i save kisim ol Melanesian woka long go wok long Australia i tok em i no kisim mani bilong ol woka.

Dispela em i toktok bilong Emmanuel Bani, em wanpela man i save recrutim o kisim ol Pasifik sisenel woka long Seasonal wok long Australia.

Planti long ol dispela pipel em Mista Bani i save kisim i kam long Solomon Islands, Papua New Guinea na Vanuatu i save wok long Queensland.

Emmanuel Bani i bin mekim dispela toktok bihain long wanpela Australian South Sea Islander na rikruta tu insait long Queensland i bin tokim Vanuatu Daily Post olsem Emmanuel i bin ronawe na hait wantaim pe bilong ol sisenel woka.

Mista Bani i gat tupela kampani we em i save kisim ol wok manmeri bilong dispela tripela kantri long wok long ol fam na tu, long turisim sekta.

Em i tok as tingting bilong statim dispela tupela bisnis bilong en em long helpim ol woka na ol famili bing ol bek long Melanesia.

Australia nes i toktok long atek long Black Cat bus rot long PNG

NES bilong Australia, Christy King, i toktok long hevi long Black Cat trek long Papua New Guinea taim sampela kriminol lain i kilim dai tupela pipel.

Christy King husat i gat 39 krismas i bin ting olsem wok blong em olsem wanpela trek lida long Black Cat trek long PNG i namba wan wok bilong en tru.

Tasol insait long 24 awa, em i tanim tingting bihain sampela raskol lain i atakim em wantaim gan grup bilong em i gat 19 pota na 8- pela treka bilong Australia.

Tupela pota ibin dai taim ol i katim tupela long naip, na sampela moa ol i katkatim ol long lek na ol i no nap wokbaut.

Taim em i toktok long namba wan taim long dispela birua long Australian Story program, Christy King i tok em i save bai em no nap muvim ol na em i mas go kisim helpim na em i mas lusim ol i stap na go.

Dispela i namba wan taim Christy King i bin wok long PNG Trekking Adventures olsem wanpela trek lida, tasol em i save gut long wokabout long bikbus long PNG, bihain em i bin stap wantaim man bilong em long Lae long 10- pela yia.

Mis King i bin wokabout long Black Cat trek sampela taim pinis wantaim man bilong en na ol poro na ol lokol gaid na pota.

Dispela Black Cat trek i stat long Wau, long hailan na i go daun long nambis ples bilong Salamaua.

Tripela treka bilong Australia long grup i bin wokabout pinis long dispela Kokoda trek na i laikim moa wokabout olsem.

Zoltan Maklary i tok em i save gat gutpela belisi tingting taim em i wokabout long bikbus olsem.

Australia oposisen i tok PM Abbott i mas tokaut long stopim raun i go long Indonesia

LABOR pati bilong Australia i askim strong Praim Minista Tony Abbott long tok klia long tingting bilong en long stopim raun bilong en i go long Indonesia long dispela wik i kam.

Tony Abbott i no laik bihainim askim bilong Presiden bilong Indonesia, Susilo Bambang Yudhoyono, long raun long Indonesia

Ol lain oposisen bilong Australia i tok pasin em Praim Minista Abbott i bin mekim long stopim wanpela wokabout bilong em i go long Indonesia long



Tugumana Komyuniti Helt Woka Trening Koles long Wapanamanda, Enga Provins i lukim greduesen bilong 45 helt woka. Tupela meri long Atonomas Rijon bilong Bogenvil husat i bin klostu lus long Rabaul Queen birua tupela yia i go pinis, tasol ol i bin a abrusim bagarap na nau tupela i pinisim skul na kisim setifiket bilong wok.



Gavana Peter Ipatas i baim ol dispela 4-pela nupela 15-sita Toyota land cruiser long Enga Polis long las wik.



KOMENTRI

Putim moa mani i go long strongim egrikalsa bisnis

PALAMEN i bung gen long dispela wik long harim ol wari bilong wan wan ilektoret, na tu long wokim ol lo bilong kamapim gutpela sindaun bilong PNG nau na long bihain taim.

Na gavman i bin yusim dispela sans tu long tokaut olsem politikal pati bilong Praim Minista Peter O'Neill, Pipels Nesenel Kongres Pati, (PNC) i gat 52 memba nau na i kamap bikpela politikal pati long kantri. Em i win bilong gavman na i soim olsem ol memba i laik kisim mani bilong kirapim ol projek long provins olsem na olgeta i kalap i go long joinim gavman.

Bikpela askim i go nau long gavman long strongim egrikalsa bisnis long kantri. Egrikalsa em i bikpela maket we ol pipel bilong kantri i save kisim mani. Ol manmeri long ples i planim kopi, kakau, welpam, raba na ol kamapim ol arapela egrikalsa bisnis na famili kisim mani long dispela rot. Mani i go stret long han bilong ol pipel na komyuniti. Long ol bikpela bisnis bilong painim gol na wel na ges, mani i go long han bilong ol kampani na bihain gavman i kisim skel bilong en. Mani i no go stret long han bilong ol pipel olsem mani i kam long egrikalsa bisnis. Na egrikalsa mani i helpim long strongim ikonomi bilong kantri. Long taim prais bilong gol na kopa na wel i pundaun, bai gutpela prais bilong kopi na kakau na



welpam i helpim long strongim Kina o mani bilong yumi. Na tu, sapos i gat daunstrim prosesing bilong ol egrikalsa bisnis, bai i gat moa rot bilong strongim wokmani bilong kantri.

Olsem na bikpela askim i go long wan wan memba bilong palamen, yupela i mekim wanem long helpim wok egrikalsa long ilektoret bilong yupela?

Em i tru olsem sampela liklik ilektoret i no gat sans bilong groim egrikalsa bisnis, tasol planti ol arapela i

ken skruim na strongim egrikalsa long ilektoret bilong ol. Na ol i mekim wanem long helpim ol pipel? I gat planti wari i kamap long sik na ol binatang i bagarapim egrikalsa bisnis na i no gat inap egrikalsa ekstensen opisa long helpim ol pipel. I gat wari tu long kisim ol nupela sidling bilong diwai kakao tasol i no gat inap neseri bilong kamapim ol dispela nupela diwai long dilim i go long ol fama. I tru wan wan memba i gat bikpela

program bilong ol yet long sevim ilektoret bilong ol, tasol olsem wanem long ol arapela lain autsait long mak bilong ilektoret. Yumi PNG i save sap maus tru long mekim wok long mak na oltaim bai yumi harim hap tok ya, "wari bilong ol wantaim memba bilong ol."

I luk olsem PNG i no save wari tumas long wanem samting bai kamap long ol yia i kam bihain. Yumi save tingting long nau yet na mekim wok bilong stretim bel long tude tasol na i no

bisi long wanem samting i kamap bihain.

I gat bikpela wari long kopi bisnis long PNG. Bipo kopi i olsem king bilong egrikalsa bisnis na ol famili na haus lain i save hatwok tru long planim na lukautim dispela diwai bisnis. Ol i save kisim gutpela mani long en. Tasol tude, stori i senis. Yumi harim olsem ol kopi diwai i lapun nau na i no karim gut, o ol famili i rausim kopi na planti ol gaden kaikai bikos prais bilong kopi i pundaun. I gat kain kain as bilong tok i stap.

Wanpela bikpela komplem em rot bilong kisim kopi laisens. Ol fama i pilim olsem ol i hatwok nating na kisim liklik mani tasol. Long taim ol ekspota i salim kopi long ovasis maket, ol i kisim bikpela moa mani long ol fama. Olsem na ol kopi fama bai amamas long harim Minista bilong Egrikalsa Tommy Tomscoll i tokaut long ol senis bai kamap long givimaut kopi laisens. Minista i tok bai i gat ol spesel kategori laisens long helpim ol fama i kamapim moa kopi long ol distrik na bai helpim ol tu long kisim moa mani long hatwok bilong ol. Bai i gat wanpela laisens i go long wanpela fama long distrik na tupela laisens long wan wan provins bilong ol kopretiv sosaiti na limitet ekspot laisens bilong ol meri long dispela bisnis. Minista i tok ol dispela laisens i bilong ol Papua Niugini tasol long

strongim ol long ekspot i go long ol ovasis maket.

Mista Tomscoll i tokaut tu long K12 milien long stretim gen kakao bisnis wok kantri. Gavman bai wok wantaim PNG Kakao Bot na ol distrik atoriti long strong kaa bisnis.

Bai wok i stat long sikispela distrik pastaim. Gavman i bin makim K7 milien i go long PNG Kakao Bot long 2014 baset na bai ol i yusim K1 milien i go long wan wan bilong ol dispela sikispela distrik. Em i tokaut tu olsem bai i gat wankain senis i kamap long ekspot laisens bilong kakao. Ol kakao fama long kantri bai amamas long harim dispela nius.

Tude we kantri i wok long paitim broas na amamas long bikpela mani em LNG bai bringim i kam insait long PNG, ating yumi mas tingting tu long taim bihain. Nau em i taim bilong skelim gen wanem ol arapela bisnis i save bringim mani i kam insait na stretim ol dispela bisnis. Yumi mekim olsem nau long gutpela bilong kantri long bihain taim.

Egrikalsa em i as bilong kamapim mani bilong ol pipel long dispela kantri. Yumi mas stat long stretim gen dispela bikpela maket na bai ol pikinini na tumbuna bilong yumi long bihain taim i ken sindaun gut. Em i tru mani bilong ges i bikpela samting. Tasol yumi no mas lusim ting olsem em i win tasol na i no inap long stap oltaim. Yumi lukim mani bilong en tude na tumora bai em i lus pinis.

Sutim tok nating i gat bagarap long en

Gavman i laikim olsem husat man o meri i mekim ol gijaman toktok o i sutim tok long ol paul na hait pasin i mas soim kliarekot o evidens bilong ol na no ken tok gijaman nating egen-sim gavman.

Sampela bikpela disisen na kontrak em gavman bin givim long dispela yia i kirapim planti toktok sut i kam long ol pablik na ol savelain insait long kantri.

Ol projek na disisen olsem, K3 bilien dinaw gavman i kisim long baim sea long Oil Search Limited kampani we wok bilong em stap insait long LNG ges projek; bikpela kontrak bilong wokim rot raunim Ela Bis long Mosbi na K50 milien kontrak long wanpela Israel kampani long mekim wok didiman long PNG.

Planti toktok bin kamap olsem gavman i no bihainim lo o i no mekim samting stret long givim ol dispela kontrak na ting olsem gavman i mekim bikpela paul pasin long dispela.

Tasol Sief Seketeri bilong gavman, Sir Manasupe Zuren-uoc i tokaut olsem sapos husat



lain i laik tromoi kain tok olsem orait ol i mas soim rekot o pepa bilong ol olsem evidens. Ol evidens i mas soim olsem gavman i asua o i no bihainim stret lo long kamapim ol dispela disisen na projek insait long kantri.

Oposisen lida Belden Namah bin toktok strong long Praim Minista Peter O'Neill mas tokaut kliarekot long ol dispela bikpela projek, na tu, em i go het pinis long kisim kot pepa long sanapim gavman long kot.

Olgeta dispela toktok ya em Praim Minista bin mekim tok kliarekot long nius na tu long palamen long kliarekot ol rot na pasin ol i bin bihainim long kamapim ol dispela disisen na givim aut ol dispela kontrak.

Planti samting tumas long yumi bai tingting gut na skelim

bikos em ol bikpela projek we i kos planti milien kina stret we yumi bai bekim long planti yia i kam.

Dinaw mani bilong baim sea long Oil Search kampani em samting bilong bekim bek bikos em mani bilong benk. Planti i tok bai bikpela mani kantri i wokim long LNG ges projek bai bekim dispela K3 bilien dinaw mani. Askim nau em wanem mani bai PNG i pilim stret olsem kaikai bilong LNG bai yumi kisim?

Dispela haive long Ela Bis em bai helpim long daunim hevi bilong ol kar save bung bung na pas pas long taun eria bikos i no gat spes. Dispela rot bai daunim hevi long taun eria na Konedobu eria tasol hevi bilong ol kar save pas long Boroko Waigani Draiv bai stap yet wankain tu long Gordons raunabout go long Erima na 9 Mail. Olsem na moabeta gavman i mas wokim sampela moa flaiova bris olsem dispela Kukabara bris long Erima i go long Waigani Opis we gavman laik wokim nau.

Long sait bilong Israel kam-

pani ya em wok bilong egrikalsa we kantri bilong yumi em asples bilong wok egrikalsa na didiman olsem na yumi no ken tromoi toktok tumas inap yumi lukim kaikai bilong dispela K50 milien bai gutpela o nogat.

Em ol bikpela projek na disisen gavman bilong Peter O'Neill i mekim long nem bilong Papua Niugini wankain olsem planti gavman bilong kantri save mekim long kirapim developmen na sevis long kantri bilong ol.

Gutpela sapos opis bilong Independen Komisn Egens Korapsen (ICAC) o Ombudsmen Komisn i ken sindaun na glasim ol dispela disisen na projek sapos gavman i bihainim stret lo na pawa bilong em long mekim kamap. Na i no gutpela long yumi sutim tok nating nating long bagarapim bel na tingting bilong ol pipel bilong yumi. Larim opis we i gat pawa long sekim na painimaut kain samting olsem long mekim wok bilong ol i go insait long ol dispela projek na disien bilong gavman.

WANTOK
Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Websait: www.wantokniuspapa.com
Pe bilong wanpela yia, 52 niuspepa

Ples;	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Acting Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 65%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol

9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS SENTA
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitiz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitiz
 1pm - 2pm - Sarere Belo Taim Dedikesen NIUS - YUMIFM Nius Senta
 2pm - 6pm - Sarere Avinun Cruz NIUS - YUMIFM Nius Senta
 6:00pm - Nait beat - Coca Cola Garamut
 7pm - 9pm - Nait cruz - Brukim Tulait Show
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 - Monin Treks
 10am - 12noon NIUS - YUMIFM Nius Senta
 12noon - Sandei Belo Taim Music
 12 - 2pm NIUS - YUMIFM Nius Senta
 2:00pm - Sandei Avinun Draiv Music
 2pm - 6pm - Nius - YUMIFM Nius Senta
 6pm - 8pm - GOSPEL REKWES AUA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Namba 10 Yumi FM musik awod



Tati i singim wanpela top singsing bilong em.



Demas, husat i kisim wanpela awod na givim wanpela graun pot i go long Kas T bilong Yumi FM olsem wanpela presen.



Ol manmeri amamas na danis long wanpela singsing bilong Demas Saul taim em singsing.



Man husat i go pas long musik awod Kas T, i sanap wantaim tupela susa brata Zipporah na Daniel Bilip bihain long tupela pinis singsing.

EMTV Television Guide

FONDE ME 08, 2014	5:30 PM G TRAPPED CASTAWAY EP#24/26	9:00am Grade 6 Mathematics	11:30 PM G FIJI NETBALL TRI-SERIES	2:30 PM G QRL INTRUST CUP - ROUND 11
	6:00 PM G EMTV NATIONAL NEWS	9:50am Grade 6 Science	FIJI vs. NORTHERN IRELAND	SP HUNTERS vs. W/MANLY SEAGULLS
	7:00 PM G RAIT MUSIK EP#210	10:40am Grade 7 Mathematics	00:00 AM G EMTV NEWS REPLAY	5:30 PM G OLSEM WANEM EP#17
	8:00 PM G RESOURCE PNG Ep#17	11:20am Grade 7 Science followed by the Australia Network	6:00 PM G EMTV NATIONAL NEWS
4:30 AM G AUSTRALIAN NETWORK	9:00 PM G SOKA XTRA	1:00pm Grade 8 Mathematics		6:30 PM G 2014 NRL - ROUND 9
5:00 AM G JOYCE MEYER	9:10 PM G FIJI NETBALL TRI-SERIES	1:50pm Grade 8 Science		WARRIORS vs. RAIDERS
5:30 AM G EMTV NEWS REPLAY	PNG vs. NORTHERN IRELAND	2:30pm DEPI Program		8:30 PM G 2014 NRL - ROUND 9
6:30 AM G TODAY	9:30 PM PG ELITE MUSIC ZONE EP#2014/16	3:30 PM KIDS KONA		TITANS vs. RABBITOHS
09:00 AM G Classroom Broadcast	10:00 PM PG NRL FOOTY SHOW - EP#10	HI 5 S10 EP#16/43		10:30 PM G NATIONAL EMTV NEWS REPLAY
9:00am Grade 6 Mathematics	11:30 PM G NEWS REPLAY	MAGICAL TALES S2 EP#19/31		11:00 PM G IPL 2014 MATCH
9:50am Grade 6 Science followed by the Australia Network	PYRAMID S2 EP#36/68		
10:40am Grade 7 Mathematics		THE SHAK S3 - EP#32/42		
11:20am Grade 7 Science		5:30 PM G SKIPPY - The Medicine Man		
1:00pm Grade 8 Mathematics		5:55 PM G CRIME STOPPERS		
1:50pm Grade 8 Science		6:00 PM G EMTV NATIONAL NEWS		
2:30pm DEPI Program		7:00 PM G IN MORESBY TONIGHT -		
3:30 PM KIDS KONA		7:30 PM G 2014 NRL - ROUND 9		
HI 5 S10 EP#15/43		ROOSTERS vs. WEST TIGERS		
MAGICAL TALES S2 EP#18/31		9:30 PM G 2014 NRL - ROUND 9		
PYRAMID S2 EP#35/68		COWBOYS vs. BRONCOS		
THE SHAK S3 - EP#31/42				
	FRAIDE ME 09, 2014		SARARE ME 10, 2014	
	4:00 AM G AUSTRALIAN NETWORK		4:30 AM G AUSTRALIAN NETWORK	
	5:00 AM G JOYCE MEYER		6:00 AM G EMTV NEWS REPLAY	
	5:30 AM G EMTV NEWS REPLAY		7:00 AM G IN HIS STEPS EP#18	
	6:30 AM G TODAY		7:30 AM G TBA	
	Classroom Broadcast		8:00 AM G YOGA CITY - Re-run Ep#9	
			8:30 AM G AMAZING SPIEZ - EP#18	
			9:00 AM G EMSAZ FROM SCORPION IS LAND EP#23/30	
			9:30 AM G ULTIMATE GUINNESS WORLD	
			10:00 AM G TRAPPED CASTAWAY EP#24/26	
			10:30 AM G SKIPPY	
			11:00 AM G AUSTRALIAN NETWORK	
				SANDE ME 11, 2014
				3:30 AM G AUSTRALIAN NETWORK
				6:30 AM G EMTV NEWS REPLAY
				7:00 AM G HILLSONG
				7:30 AM G AUSTRALIAN NETWORK
				8:00 AM G YOGA CITY EP#10/13 - Re-run
				8:30 AM G BUSINESS PNG YR.3 EP#16
				9:00 AM G TOTALLY SPIES EP#9 - RE-RUN

TORO



BIABIA



KANAGE



SUDOKU

9x9 Sudoku grid with numbers 1-9 in various positions.

Ansa bilong las wik Sudoku # 43

9x9 Sudoku grid with numbers 1-9 in various positions.

Ansa bilong Sudoku # 44 neks isu

A crossword puzzle grid with letters filled in.

Ansa bilong las wik kroswod, isu # 2069

KROSWOD

- Akros: 1 Kes krop, 6 PMV, 9 Rebel lain bilong Wes Papua, 10 Long olgeta hap, 12 Pilai laki, 13 I no hatwok, 14 Ol man long tokples Kuanua, 15 Enimal, 16 Yunaitet Nesen, 18 Solwara, 19 Yu yet!, 20 De i go pinis, 23 Haiskul long Nu Aik-lan, 24 Ryan Pini em wan-pela, 28 Makau, 30 Nogat, 32 Tupela, 33 Yaweh, 34 Wankain olsem, 25 Ting olsem, Daun: 1 Tromoi lek, 2 Par, 3 Sios long Papua, 4 Karakum, 5 Slekim long laitim paia, 6 Ples bilong dring, 7 Rausim, 8 Pasim, 11 Ailan long Manus, 16 Olpela MP bilong Morobe, 17 Mak bilong kompas, 21 Skul, 22 Moning taim, 24 Pilai, 25 Nem bilong man, 26 Yau, 27 Memba bilong Rigo, 29 Sempian boksa, 31 Lo na _____, 33 Gavana Jeneral

9x9 crossword puzzle grid with numbers 1-35 indicating starting points for words.

EMTV Television Guide

Television schedule table with columns for time slots (e.g., 9:30 AM G, 10:00 AM G, etc.) and program titles (e.g., OLSEM WANEM EP#17 - RPT, RESOURCE PNG EP#17 - Rpt, LOVE BITES WITH JOEY 12/26, etc.).

Ol Progam na Kilok i ken tenis oltaim...



Teksim Wari, Tingting, Painim Pren, Wantok o Pas bilong yu i kam nau..
Digicel namba: 7235 6149

Dia Wantok Nius, mipela pipel bilong Kagua Erave i no gat sevis long 45 yia nau. Wanem taim bai mipela bai lukim gavman sevis. Tenk yu.

Konsen Aiya, Studen –

Dia Wantok Nius, wanpela pren bilong i lus kontek wantaim mi, nem bilong em Maril Gad. Em bilong Morobe, plis yu kolim mi long dispela namba 7389 8502. Tenk yu.

Dia Wantok Niuspepa, nem bilong mi Finny S Fidian bilong Menyamyama(Menya). Mi save laik tru long ritim *Wantok Niuspepa*. Mi wanpela mangi bilong ples. Tenk yu.

Finny S Fidian

Dia Wantok Niuspepa, mi Yambia Kigi laik givim wari na amamas long ol dis-eibel manmeri bilong Sauten Hailans Provins na Gavana William Powi na PM Peter O'Neill ringim dispela namba 7113 9325.

Dia Edita, mi wanpela viles kot opisal long planti yia tasol nau mi stap nating i no gat gutpela luksave bilong gavman. Mi wantaim ol narapela ol opisal mipela i bin kisim ol trening long ronim wok bilong viles kot, tasol no gat gutpela pe. Na nau ol nupela lain kisim ples bilong mipela, em ol i no kisim trening na mekim nabaut long ol komyuniti i stap na ol i go long pei rol bilong gavman. Planti ol lapun opisel ol i wari na ol laikim O'Neill Gavman mas stretim ol long hatwok ol i mekim long planti yia i go pinis. Olsem na nau mipela ol Karkar viles kot i singaut i go long O'Neill Gavman i mas stretim mipela bipo long mipela ol lapun i dai. Em i bikpela hatwok mipela i karim long bipo i kam inap nau na mipela step daun bikos strong bilong mipela i pinis long wokabaut i go i kam. Olsem na mi wari husat bai stretim mipela long baim liklik suga na dring wantaim ol famili taim mipela i lusim ol i go long matmat. Em tasol na tenk yu edita.

Lapun Mejstret - Karkar Viles kot

Dia Wantok Niuspepa, mangi Moko mikis bilong Langs Meto. Mi save laik tru long ritim Wantok Nius. Mi wanpela nupela ilektet wod kaunsel long Kapao LLGC Aseki Men.

Dia Wantok Nius, nem bilong mi Linda Siau Hikar. Mi bilong Wes Kerema (Ihu) na mi marit long Simbu – Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.

Tenkyu, Linda -

Dia Wantok Niuspepa, mi wanpela man bipo wok olsem kiap o patrol opisa, i gat save long wok bilong gavman na pablik edministresen. Interes lain yu ken ringim mi long namba 7330 5164 o 7612 2898. Tenk yu, Wantok.

Raun wantaim Kanage olgeta wik

Tok Inglis i kisim tripela poro i go long kalabus

NEM bilong ol em Fafti, Yokomo na Kanage. Ol i no save long tok Inglis na ol i save stap long ples tasol. Wanpela taim ol plen long go long taun long lainim tok Inglis. Fafti go pas long taun, long taun em harim ol man tok, "3 of us", em lokim tasol long het na kam long ples. Neks de Yokomo go long taun na kam wantaim tok Inglis, "Because of money". Laspela man long go long taun em Kanage na em i kam bek wantaim tok Inglis bilong em, "Lets go". Potnait Fraide kam na tripela laik traim tok Inglis bilong ol na ol i go long taun. Long rot ol raskol kilim wanpela man na kisim mani bilong em na ronawe, na tripela brada go kamap long hap we man i dai stap. I no long taim polis kam kamap na askim ol, "Who killed this man?" Fafti tok, "3 of us", Polis askim gen, "Why did you kill him?" Yokomo bekim, "Because of money", Polis bel hat na tok, "You want me to take you to jail?" Kanage ansarim, "Lets go, na polis kisim tripela go long kalabus.

Sims 4Mile, Popondetta Awara Tasol



Man o wara i toktok?

KANAGE i kisim wara go na em i harim olsem ol i wok long senisim presen na tok meri krismas na hepi niu yia na amamas ol yet na tok na sekan i go i kam long soim amamas bilong ol wantaim krismas na hariap tasol em tok mi mas go hariap long haus na gritim meri bilong mi tu. Taim em kamap long haus em holim meri bilong em na tok, "Where is my christmas?" meri kirap nogut long harim dispela tok na em i bekim, "Yu kilia, long long man. Man tru tru toktok o wara toktok"

Freda Melchior Motonau, Madang

'Pater, plis stop pastaim'

WANPELA Sande, Kanage i bin go long lotu

Wally Anis Maunt Hagen

Ol skwat! Teksim ol gutpela Kanage tok pilai i kam long: Txt: 72356149

Sumatin i miksim edukesen wantaim ol drag o spakbrus na alkohol o strongpela dring. Olsem na mi laikim helpim long Laipain

Dia Laipain,
MI WANPELA sumatin man i gat 18 krismas na mi skul long wanpela nesenel hai skul insait long Nesenel Kapitel Distrik.

Papamama bilong mi i bruk marit na i no stap wantaim. Klostu ol bai divos bikos ol i no stap wantaim insait long las 10-pela krismas. Mi wokim Gret 12 na ol fainol eksam o tes i kam klostu nau. Mi pilim olsem bai mi wokim gut long Gret 12 eksam. Mi save olsem mi ken wokim gut, tasol samting em, mi gat ol wanlain poroman i stap long strit we mi groa bikpela wantaim.

Long planti yia, i nogat rot long abrusim ol na mipela i save dring wantaim, kaikai buai wantaim na olgeta de, mipela i save lukim wanpela narapela na bung. Maski mi gat planti skul wok, em i hat long mi long abrusim ol o tok nogat long ol.

Narapela wari mi gat em ol poro bilong mi ya i wok bihain long ol bin pinisim Gret 10 na go long sampela teknikel skul. Taim ol i kisim pe bilong ol, ol i save baim bia long mi. Mi wari bikos mi mas bekim pasin ol i mekim long baim bia bilong ol.

Mi nogat mani, tasol lans mani we mi kisim long papamama bilong mi tasol. Long las tupela yia, mi wok long stilim mani bilong mama na susa bilong mi long baim bia bilong ol poroman. Mi no laik wokim dispela stil pasin, tasol taim ol poroman i singautim mi long dring wantaim ol, mi save wokim dispela asua gen. Mama na susa i save laik haitim mani bilong ol, tasol taim ol i kam bek long wok, skin bilong ol i save les na ol i save lusim walet bilong ol long ples kliia na mi save kisim ol mani long K100 o K200 manimak.

Laipain, mi no laik wokim dispela pasin moa na plis helpim mi. Mi pilim olsem mi wok long kamap wanpela stilman.

WORRIED STUDENT

Dia Pren,
Tenkyu long serim wari bilong yu wantaim mipela long bihain taim bilong yu we yu gat wari long em bikos papamama i no moa stap



wantaim. Mekim na yu raun wantaim ol manki na smok, dring taim yu sumatin yet. Mipela i luksave long yu na ol wari yu gat long skul na bihain taim bilong yu.

Mipela i save kisim ol wankain pas long planti lain insait long kantir bilong yumi. Mipela i luksave olsem laip em i hat taim papamama i no stap wantaim long sapotim yu long ol samting yu laikim long en. Mipela i luksave tu olsem tupela papa na mama i mas stap long lukautim na givim stia long ol pikinini long fisikel, spiritual na sosel sait. Na ol i ken mekim gut long skul na ol narapela samting long laip bilong ol.

Mipela i luksave olsem i no yu, tasol planti narapela pikinini insait long kantri i gat dispela kain wari we wanpela papa o mama tasol i lukautim ol i stap. As long ol dispela hevi em i ken pasin bilong ol waitman we mani, gat planti samting na moa o ol narapela samting we ol yet i save long en.

I moabeta yu toktok long papamama bilong yu long ol wari na hevi em bruk marit bilong ol i kamapim, na tokim ol long pilings bilong yu long dispela samting. Dispela i wok long kamap planti tude we planti yangpela pikinini i bungim hevi long selpis pasin bilong ol papamama husat i tingim ol yet na ol i ting olsem ol i smat na salensim wanpela narapela.

I moabeta yu no wari tumas long dispela samting, tasol yu toktok long papamama bilong yu na ol i ken painim rot long helpim yu. Ol i laikim yu na putim yu i go long skul, tasol ol i mas sapotim yu. Em i taim nau yu toktok long ol long wokim bel gut pasin namel long ol.

Mipela i bilip olsem taim yupela i sindaun na toktok, bai dispela i givim yupela sans long rispektim ol yet na luksave olsem ol i marit na

na em i karim K12 i go long lotu. Em i tok olsem, em bai putim K2 long ofa na K10 bai em baim kaikai long maket. Taim bilong ofa nau na ol yut wok long singsing i stap long kisim ol ofa bilong ol manmeri i stap. Kanage em bisi long harim ol singsing na tu em i wok long singsing wantaim na taim ol i karim basket bilong putim ofa, Kanage kirap tasol na putim olgeta koins bilong em i go insait long basket. Na, taim bilong karim ofa i go long pater na em i tingim olsem em i putim olgeta koins bilong em i go insait long basket. Em i wok long tingting long hau long kisim bek K10 bilong em na pater i stat long beten long ofa i kam. Isi tasol em i kirap na go long pater. Pater i lukim na em i tok, "Pikinini olsem wanem?" Ayo pater, plis stop stop. Plis mi lus tingting na givim olgeta koins bilong mi long ofa. Mi laik givim K2 tasol mi abrus na putim olgeta i go insait. Plis givim mi tasol K10 na yu ken holim K2. Em ofa bilong mi. Na pater i tok, "Yu givim pinis long bikman pinis." Na Kanage kirap na tok olsem, "Yu tupela bikman save givim mi moni ah. Givim K10 blo mi kam bek nau tasol."

Wally Anis Maunt Hagen

ol i gat bikpela pikinini na ol i ken helpim yu, na yupela olgeta i ken amamas olsem famili.

Pren, yu wari long smok na dring raun wantaim ol poroman husat i mekim na yu wok long stil long mama n a susa bilong yu. Mipela i tokim yu stret olsem taim yu raun wantaim ol manki ya, bai yu stil yet long mama na susa bilong yu. Na ol bai kisim polis long yu husat bai holim pasim yu.

Yu ken lukim olsem hevi long famili i ken bagarapim skul na bihain taim bilong yu, na em i ken go nogut sapos yu no harim na bihainim gutpela stia.

I moabeta nau yu abrusim ol dispela poroman bikos dring na smok na i no mekim ol skul wok bai bagarapim yu na bihain taim bilong yu.

Malolo liklik na tingim ol samting mipela i tokim yu long en. Askim yu yet olsem disisen yu wokim long pas wantaim ol poroman bai kamapim wanem gutpela samting long laip bilong yu, skul na bihain taim. Stilim mani na dring i kamapim gut laip bilong yu na yu save bungim hevi tu?

I moabeta yu tok tru long yu yet na toktok long papamama o man o meri yu gat luksave long en long helpim yu daunim hevi. Imoabeta yu joinim wanpela yut grup we i strongim ol yut long gat gutpela helti na produktiv laip. Inap yu joinim wanpela sios na yut grup?

Bikpela i laikim yu na gutpela long bihain taim bilong yu, na olsem , trastim em tude.

Proverbs 3: 5,6.


Pren bilong yu, Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

Gavman bai senisim risos onasip lo

Stanley Nondol i raitim



Minista bilong Jastis na Atoni Jenerel Kerenga Kua

GAVMAN bai senisim risos onasip lo na givim papa bilong risos i stap aninit long graun i go bek long ol papa-graun bikos nau ol ausait kampani i kamap papa bilong ol risos na gavman i save baim sea long kisim ol winmani.

Minista bilong Jastis na Atoni Jenerel, Kerenga Kua tok i gat lo olsem wanem ol risos i stap aninit long graun gavman i save lukautim bilong ol pipel.

Tasol dispela lo i no stret bikos taim ol ausait kampani kisim tok orait long mekim eksplorasen na i painim aut olsem i gat bikipela oil, ges na ol arapela mineral i stap ol i save aplai long developmen laisens na taim gavman givim, ol i save kisim ol risos ol i painim.

Mista Kua i tok taim gavman i givim developmen laisens long ol developa em i givim wantaim rait bilong kamap papa bilong ol risos aninit long lo bilong kantri.

Mista Kua i tok dispela lo i bin stap longpela taim tru na no stret bikos planti risos olsem gol, oil, ges na arapela i wok long go long ausait kampani na papagraun na gavman i no kisim inap helpim o winmani.

Mista Kua i tok planti taim gavman i go aut na kisim dinau mani long baim sea bilong ol risos bilong kantri yet.

"I no nid long yumi go kisim dinau mani long iPIC o no nid long kantri bai kisim dinau mani long UBS long paim ol sea we em i samting bilong kantri stret" Kua i tok.

"Ol dispela risos em bilong yumi na ol ausait kampani i mas baim sea na

kisim i no Png bai olgeta baim sea long kamap papa bilong ol risos we em bilong ol pipel stret". Mista Kua i tok

Mista Kua i tok bilong wanem na yumi larim dispela lo i stap yet na yumi painim dinau mani raun na bekim wantaim winmani.

Em i tok gavman bai kwiktait senisim dispela lo na givim ful rait bilong husat bai kamap papa bilong risos i go bek long gavman na papagraun.

"Ol divelopa i mas bungim kos bilong olgeta developmen bilong ol risos na yumi bai skelim win mani wantaim ol," Mista Kua i tok".

Long wankain taim tu, Gavana bilong Is Sepik, Gren Sif, Sir Michael Somare i tok i gat wanpela lo i stap olsem ol papagraun bai kisim 5 pesen winmani bilong ol risos.

Tasol Kua i tok yumi mas senisim lo bilong kantri na kisim ol risos bek na bihain bai yumi ken skelim long 5 pesen o 10 pesen o wanem kain rot yumi laikim, nau yet ol risos em bilong ol ausait kampani olsem na yumi mas kisim bek pastaim na bihain yumi skelim.

NATIONAL ECONOMIC & FISCAL COMMISSION

14 - 16 MAY 2014 PROGRAM

Theme: "Government, Money Arteries & Services"			
Objective: Highlighting the role the hidden system of money-flows plays in ensuring the delivery of service takes place.			
Venue: Gateway Hotel National Capital District Port Moresby			
Evening Before: Tuesday 13 May 2014			
6.30pm - Presentation: NEFC Provincial Expenditure Review 2012		Welcome Dinner hosted by NEFC Chairman - MC - Patrick Painap Deputy Director Corporate	
DAY 1:			
TIME	Activity	Facilitators	Outcomes
7.45	Registration	NEFC	
8.00	Prayer/Reciting of Nabona Medge & Anthem		
8.00	Welcome Participants/Introductions	Patrick Painap	Introduction to the two-day regional workshop
8.15	KEYNOTE ADDRESS	Guest Speaker	
8.30	Objectives of the Workshop and Introductions	Hohora Suve - Chairman/CEO	Overview provided
8.45	2013 Resolutions Resap and Discussion	NEFC Chairman/CEO	Reflected on previous issues
9.15	Provincial Presentations- Yu Tok! (10minutes) -Progress on MPAs; Success Stories; -Challenges -Ways Forward	Chairman- Provincial Reps	Provinces provide overview of MPA progress 2013 and highlighting issues.
10.00		Morning Tea	
Day 1 Budget and Financial Management			
	Department of Treasury Budget and Expenditure Instructions- PBB Priority Areas • Overview ; Rollovers ; Warranty Releases	Provincial Budgets Branch- Dept of Treasury	Budget Instructions dissemination focus areas highlighted
11.15	Internal Revenue Commission Provincial Revenues- Bookmakers & GST- Retail Sales Tax (Methods of Collections and Distributions)	Internal Revenue Commission	
11.30	Department of Finance- Major Policy Changes- 2013 • Finance Instructions ; Trust Accounts • Roll Overs- Updated funding procedures to LLGs • Supplementary Budgets for unspent funds • Systems and processes supporting the Provincial Budget Implementation	Department of Finance	
12.15	New Public Finance Management Act	Department of Finance	
12.00	Statutory Bodies Monitoring Framework	Department of Finance	
12.30	PIP Status in Provinces & Integrated Planning Update	DNPM	
	SIP- Disbursement to Provinces, Districts & LLGs	DNPM/Department of Finance (Cash Management)	
2.45	Service Improvement Programs- SIP Progress on Guidelines	DIRD	Status
12.45	2008-12 Revenue Study Report	NEFC (Erwin Pounu)	Engaging provinces to use own source revenue for service delivery
1.00		LUNCH	
2.00	Workshop : Discussion Groups on Issues raised - Issues and solution	DoT/DoF/DNPM/DIRD	
2.30	Budget Scorecard	NEFC (Jacklyne Walum)	2014 Provincial Scorecard Results
3.00		Afternoon Tea	
3.15	Cross-Cutting Issues National Anti-Corruption Agency	To Be Confirmed	
3.45	Wrap up of Day One	Chairman/CEO- NEFC	
DAY 2			
Monitoring performance & Reporting Chairman-			
8.00	Provincial Performance Monitoring reporting • District Development Authority-Progress/Status (Provinces, Districts & LLGs)	Dept of Provincial of Local Govt Affairs	Status report including implementation Monitoring tool - progress
8.15	Christian Health Services		Brief overview
8.30	Budget Scorecard	NEFC Jacklyne Walum	
8.50	Quarterly Budget Review Chart of Accounts	Dept of Treasury- Ruito Veapi	Major Findings/Way Forward
9.05	Implementation of School Fee Subsidy Policy What it covers?	Dept of Education	Progress and Anomalies
9.20	Implementation of New Policy on Village Courts Officials: VC Officials and Land Mediators on Govt. Payroll Strengthening the System/Capacity Building	Village Courts Secretariat	
9.35	Implementation of New Policy on Free Health Care Policy	Dept of Health - Navy Muiou	
9.50	Provincial Establishment and Costing Mode	NERC - Gerald Sairoerakia	Capacity Building and Data Establishment
10.15	NEFC Latest Development Initiatives	NEFC - Elizabeth S Babate	Community Monitoring Awareness and Other Initiatives
10.25	Prov Expenditure Review Trend Analysis	NEFC Fiona Derier	Review of Collective Trends
11.00	Community of Practice	NEFC and Key Stakeholders	Awareness of Other initiatives
1.00pm		LUNCH	
2.00	Discussion Forum - All Participants Resolutions	NEFC Deputy Director- Operations	Capturing pledges and achievements (innovative ways of achieving service delivery).
3.00	Wrap up of Workshop	NEFC Chairman/CEO Hohora Suve	
Day 3			
9.00-12.00	Host Provinces to organize site visitation for workshop participants		

2014 MASK FESTIVAL

RABAUL JULY 16-20, 2014

PORT MORESBY 2015 XV PACIFIC GAMES
PARUA NEW GUINEA
OFFICIAL CARRIER

K1600^{PP}

2 NIGHTS TWIN SHARE

RAPOPO PLANTATION RESORT

K1591^{PP}

2 NIGHTS TWIN SHARE

KOKOPO BEACH BUNGALOW

K1552^{PP}

2 NIGHTS TWIN SHARE

GAZELLE INTERNATIONAL

Inclusions: • Return airfares Port Moresby to Rabaul
• Accommodation as specified • Return airport and mask festival transfers
• Daily festival passes • All taxes and surcharges

Air Niugini

www.airniugini.com.pg

40

YEARS

Call toll free on 180 2121

or email: tours@airniugini.com.pg
for more information

Westpac i go long ol skul

IAROWARI Hai Skul long Sogeri i namba wan skul husat bai kisim Westpac in-Store benking ejen.

Dispela bai givim bikpela sans long ol pipel long hap bai kisim gutpela sevis bilong benk.

Westpac i putim kad masin long stua bilong skul na skul i bai kamap olsem ejen bilong Westpac brens. Dispela bai givim sevis long ol 577 sumatin, 30 tisa na ol komyuniti

klostu long skul.

Em bai helpim long daunim kos bilong bus fin na sevim taim long ol sumatin na pipel long hap i save kalap long ol kar na kam longpela rot long mekim ol benking bilong ol long Mosbi siti.

Ol tisa, sumatin na ol pipel bilong komyuniti i ken yusim dispela sevis long baim ol sevis, dipositim mani, widro, salim mani i go long nara-pela akaun, kisim benk stetmen na

sekim balens long akaun bilong ol.

Dispela bai i kamap namba 73 Westpac in-Store benking insait long kantri. I gat plen long putim 7-pela moa long ol wik i kam.

Dispela wok i karim kaikai bihain long benk i go lukluk raun long skul na i bin opim Choice Basic Akaun bilong ol sumatin wantaim K2 tasol.

Dispela Choice akaun em bilong ol liklik lain i no gat planti mani na i no gat mentenens fi bilong en.



Westpac benking opisa Aera Alikson (L) givim in-Store benking masin i go long Bisnis Stadi Tisa na skul stua menesa Michael Kiage na Westpac Maketing na Comyunikesen spesolis, Lynette Boas i lukluk stap long sait (R).

Gavman na Natalius sainim Solwara 1 projek agrimen

Stanley Nondol i raitim

NATALIUS Minerals na Nesanel Gavman i sainim agrimen pinis long wok bung long Solwara 1 projek i go long prodaksen.

Aninit long dispela agrimen, stet bai kisim 15 pesen sea long dispela projek.

Natalius long las wik i tok gavman i baim US\$ 7,000,000 olsem deposit long kisim 15 pesen sea long projek na dispela pemen i go wantaim ol lo na gaidlains bilong agrimen.

Aninit long dispela agrimen stet aninit long Petromin PNG Holdings i mas baim \$US 113,000,000 long 31 Julau 2014.

Natalius i bai lukautim dispela mani aninit long agrimen inap olgeta wok i kamap stret long projek bai i go long prodaksen.

Bihain long namba wan prodaksen, Petromin sabsideri, Eda Kopa bai baim sampela mani long agrimen inap gavman i pinisim olgeta wok long baim 15 pesen sea bilong Solwara 1 projek.

Sif Eksektiv Opisa (CEO) bilong Natalius, Mike Johnson i tok

em i bikpela wok tru na i tok em i amamas long kampani na stet i kmap wantaim dispela agrimen long kisim Solwara 1 projek i go long prodaksen.

Mista Johnson i tok kampani nau i lukluk long painim wanpela hap bilong putim ol sip bilong mekim wok isi long dispela projek. Em i tok kampani i toktok wantaim ol patna sip long sampela kantri long wol na i tok kampani bai pinism dispela wok long pinis bilong dispela yia.

Natalius i tok sapos gavman i pinism olgeta wok long baim 15 pesen sea bai long pinis bilong Julai 2014, kampani bai rausim kleim bilong em long bagarap i kamap long taim bilong rausim stet ikuiti agrimen bilong Mas 29 2011.

Sapos stet i no pinisim ol wok bilong em long baim 15 pesen sea aninit long agrimen, long pinis bilong Julai, agrimen tupela sainim nau bai nogat pawa.

Wankain taim, Natalius i tok Mista Johnson i kisim sapot bilong ol dairekta bilong kampani na bai i stap olgeta olsem presiden na CEO bilong kampani.

Simbu gavman i patna wantaim Works long rot projek

Stanley Nondol i raitim

SIMBU provincial gavman, memba bilong Gumine na Minista bilong Edukesen Nick Kuman na Dipatmen bilong Woks bai wok bung long stretim na silim tupela rot long Gumine Diistrikt wantaim K20 milien.

Gavana bilong Simbu, Noah Kool na memba bilong Gumine, Nick Kuman i givim K5.2 milien i go long woks dipatmen long silim Dirima na Warasua rot long Gumine.

Gumine distrik i putim K2 milien na Simbu provinsal gavman i putim K3.5 milien. Narapela K14.5 milien bai kam long nesanel gavman long pinism olgeta rot wok long stretim na silim wantaim.

Minista bilong Woks Francis Awesa i tok, Simbu em i namba wan provins long putim mani long woks dipatmen long yusim ol masin na save long stretim rot long provins.

Mista Awesa i tok dispela em i

gutpela tingting Simbu gavman i mekim na singaut long ol arapela long kamap patna wantaim woks dipatmen.

Warasua rot bai joinim Karamui na Sinesine distrik. Dirima -Kongale rot bai joinim Karamui distrik tu long narapela sait.

Dispela tupela rot bai opim rot long ol pipel long Karamui distrik bai kisim bikpela sevis. Ol i ken kalap long kar na i go long bikpela haiwe na taun.

Minista Awesa i tok mani nesanel gavman bai putim long dispela tupela rot i stap long baset pinis na bai putim inap wok i pinis.

Minista Awesa i tok gavman na woks dipatmen i lukluk long stretim ol rot long ples we bikpela populesen i stap long en na i no long taun na siti tasol.

Mista Kuman i tok tenkyu long Woks dipatmen, na Simbu provinsal gavman long kamap poroman wantaim distrik bilong em long stretim tupela bikpela rot.



Memba bilong Gumine Nick Kuman na Simbu gavana Noah Kool i givim sek mani i go long minista bilong woks Francis Awesa na Sekretari bilong woks David Werah. Poto Nicky Bernard.

AMAMASIM MAMA DISPLA MEI WANTAIM APNG

Alotau ↔ Lae	K 449
Alotau ↔ Popondetta	K 379
Lae ↔ Buka	K 449
Lae ↔ Kavieng	K 369
Lae ↔ Madang	K 239
Lae ↔ Popondetta	K 279
Lae ↔ Kokopo	K 339
Lae ↔ Wewak	K 349
Madang ↔ Goroka	K 229
Madang ↔ Mt.Hagen	K 249
Madang ↔ Wewak	K 229
Port Moresby ↔ Buka	K 469
Port Moresby ↔ Daru	K 349
Port Moresby ↔ Goroka	K 299
Port Moresby ↔ Alotau	K 279
Port Moresby ↔ Mt.Hagen	K 299
Port Moresby ↔ Lae	K 249
Port Moresby ↔ Madang	K 299
Port Moresby ↔ Manus	K 399
Port Moresby ↔ Popondetta	K 209
Port Moresby ↔ Wewak	K 349
Kokopo ↔ Buka	K 249
Kokopo ↔ Kavieng	K 229

Di dispela balus ficket em wan wei long fai namel long Mei 10th igo Jun 15th, 2014. (U ken baim tiket namel long Mei 7th igo 20th Mei, 2014. Rul blo baim tiket i stap na siti i sot.)

Ringim 7222151
or go lukluk long
www.apng.com

Airlines PNG

PORT MORESBY - Level 1, Pacific Place 321 1400
 - Vision City 7373 4250
MT HAGEN - Central Highlands Printers 542 8662
 - Kagamuga Airport 542 1732
LAE - Micro Bank Haus, Fifth Street 479 1980
POPONDETTA - Top Town (opposite Nemerol Park) 629 7638
ALOTAU - Preston White Street 641 1288
GOROKA - Airport 532 1532
TAUBIL - Airport 649 1171
KILINGA - Airport 649 1125
MADANG - Global Travel 422 8011
KIMBE - Travel Line Ltd 983 4409
RAJAU - Rajaul Hotel 982 1999

www.apng.com

Namatanai gat nupela Digicel tawa

LONG dispela wik, Minista bilong Maining na Memba bilong Namatanai, Byron Chan, i opim tupela nupela komunikesen tawa bilong Digicel long ples Huris na Suhun long Namatanai Distrik.

Dispela program em i wanpela program bilong Minista Chan long wok bung wantaim Digicel long developim komyunikesen sevis long distrik bilong em.

Oi pipel i bin amamas tru long Minista Chan na Digicel, ol i bin kisim sampela nupela sola lait wantaim ol batri tu.

Gavana bilong Nu Ailan Provins (NIP), Gren Sif, Sir Julius Chan, wantaim ol memba bilong provinsel na distrik edministresen i bin stap long dispela seremoni.

Minista Chan i bin tokim olgeta manmeri husat i bin stap long dispela bung olsem edministresen bilong em i lukim komyunikesen sevis olsem wanpela bikpela samting na ol i wok strong long developim na strongim komyunikesen sevis.

Long las yia, Minista Chan na edministresen bilong em i bin kamapim agrimen bilong wok bung wantaim Digicel long strongim komyunikesen sevis long Namatanai distrik. Minista Chan i tok ol dispela sevis bai helpim ol skul na pablik edministresen long bringim intanet sevis, na tu, helpim ol wokman meri long solwara taim ol i bungim taim no gut.

Long dispela mun, distrik edministresen na Digicel bai opim tupela moa tawa. Ol dispela tawa bai stap long ples Sena na Lambom.

Gavana bilong NIP, Gren Sif Sir Julius Chan, i tok amamas long Digicel long gutpela wok bilong ol long helpim ol pipel bilong provins.

Em i tok komunikesen em i wanpela bikpela samting long bringim developmen.

"Dispela wok bung namel long Namatanai Distrik Edministresen na Digicel bai helpim ol pipel bilong NIP long konek wantaim ausait wol," Sir Julius i tok.



Minista bilong Maining na Memba bilong Namatanai, Byron Chan, i tok long ol pipel bilong Namatanai long gutpela bilong komyunikesen sevis Poto Digicel.

Fainensel inkluden Literesi woksop i kamap

BENK bilong Papua Niugini o Sentral Benk i bin holim wanpela woksop bilong Nesenel Strateji bilong fainensel inkluden na fainensel literesi bilong 2014-2015 i no long taim i go pinis.

Senta bilong Ekselens long Fainensel Inkluden (CEFI) aninit long Sentral benk bai i go pas long kodinetim wok bilong dispela strateji bilong Fainensel inkluden na Literesi.

Bikpela tingting bilong dispela woksop em long kirapim ol wok grup bilong mekim wok. Ol lain i memba em ol gavan, praiwet sekta na ol dona ejensi na ol dispela lain bai kamapim 6-pela wok grup long karim aut strateji bilong fainensel inkluden.

Bikpela tingting bilong CEFI em long ol fainensel inkluden grup i bai helpim wan (1) milien o moa pipel husat i no save kisim bikpela mani long wok bilong ol, long kamapim ol maikro o liklik bisnis wantaim helpim bilong ol kain kain fainensel sevis ol i gat. Moa long 50 pesen bilong ol bai meri tasol.

Gavana bilong Benk bilong Papua Niugini, Loi Bakani i tok, Benk ov PNG wantaim ol patna institusen bilong em i wokim planti



Gavana bilong Benk ov PNG, Loi Bakani.

samting long kamapim fainensel inkluden long save bilong fainensel literesi na kisim fainensel sevis na ol narapela em long luksave long wanem kain sevis i stap na tu long wanem kain samting i stap long pasim rot bilong ol.

Sampela bilong ol dispela wok em: fainensel dairi na fainensel kompetensi stadi; wok bilong makro fainens ekspensen projek; kamapim CEFI long 2013; promotim ol mobail benk wantaim ol benk na telekomyunikesen kampani; jeneral fainens awenes kempein i kamap.

Zoo patnasip i go bikpela

FOAPELA woklain bilong Pot Mosbi Netsa Pak nau i kam bek pinis, bihain long ol i bin go mekim sampela wok skul insait long Melbourne, Australia wantaim susa zoo bilong ol, Zoos Victoria.

Bikpela tingting bilong dispela raun bilong ol woklain bilong Netsa Pak bilong opresen, ges rilesens na grafik dipatmen, long ol bai kisim save long pasin bilong lukautim wanpela bikpela zoo na long kisim save long wok bilong Netsa Pak. Ol i bin go lukluk long tripela zoo long Victoria, em long Melbourne Zoo, Werribee Zoo na Healesville Sanctuary.

Andrew Opu, Operesens Supevaise bilong Pot Mosbi

Netsa Pak i tok, "Em i gutpela sans long go na lukim ol zoo bilong Vitoria i save wok olsem wanem. Mipela i lukim pasin bilong ol long wok na mekim bisnis na mipela i luksave olsem mipela i ken bringim kain stail olsem i kam long wok bilong Netsa Pak."

Long 2013, Pot Mosbi Netsa Pak na Zoos Victoria i bin kamapim wanpela 3-yia sista zoo patnasip wantaim bikpela tingting bilong kamapim gutpela kepesiti bilding bilong Netsa Pak. Jeneral Menesa bilong Netsa Pak, Michelle McGeorge i tok patnasip em i bikpela samting bikos Netsa Pak i wok long kamap

bikpela insait long siti na ol i mas lainim stret pasin bilong ranim zoo nau yet.

Nau ol woklain bilong tupela zoo i raun lukim ples bilong narapela pinis.

Ol woklain bilong Zoos Victoria tu i bin kam long Netsa Pak las yia long lainim ol wokman meri long edukesen na hotikalsa. Bai i gat moa long ol dispela kain trening wokabout bilong ol woklain bilong Zoos Victoria i kam long trenim ol woklain bilong Netsa Pak long pasin bilong lukautim gut ol enimal, mekim bikpela plening na long wok bilong hotikalsa.

Menesa bilong intenesenel Konsevesen Patnasip long Zoos Victoria Chris

Banks, i tok, "Mipela i gat bikpela amamas tru long susa zoo bilong bikpela long Pot Mosbi Netsa Pak na mipela i givim luksave long wanbel bilong ol wokman meri bilong ol long mekim gutpela wok. Mipela tu i lainim sampela gutpela pasin na save i kam long ol pasin bilong ol."

Pot Mosbi Netsa pak i save op long 8 kilok moning taim olgeta de. Long 10 kilok i go inap 4 kilok apinun Netsa Café i save op long Mande i go Fraide na long Sarere na Sande em i op long 9 kilok moning taim na i pas long 5 kilok apinun. Yu ken ring long 326 0258 na save moa.



Port Moresby Nature Park staff's (L-R) Andrew Opu, Hannah Kusau and Michael Bolokon meeting a Lemar at Melbourne Zoo.



Ramu NiCo Soim Pes long DWU Open De

RAMU NiCo Menesmen (MCC) Limited, bikipela kampani long wok bilong nikel/kobalt main insait long Madang provins i bin amamas long stap insait long Divain Wod Yunivesiti (DWU) Open De we i bin kamap long las wik Sande.

Ramu NiCo i bin sanapim wanpela stol o liklik haus long DWU long soim ol sumatin na ol lain manmeri husat i go long hap wanem wok em i save wokim na tu tokaut stret long wanem samting

Dispela open de i bin pulim tu ol arapela bikipela bisnis haus na kampani long PNG na Madang long go stap na soim ol prodaks bi-

long ol.

Ramu NiCo, olsem wanpela bikipela koporet ogenaesen long Madang i amamas long bung wantaim ol komyuniti long soim wok bilong en na tu soim stret het-tok bilong kampani em "Wanpela Ramu NiCo, Wanpela Komyuniti" long hap.

Dispela em wanpela long ol planti DWU Open De we Ramu NiCo i stap long en. Long ol arapela yia i go pinis, Ramu NiCo i stap tu long soim wok bilong en.

Long stol bilong Ramu NiCo, i bin gat ol seksen we ol wok lain i givim toktok bilong Helt, Sefti na Envairomen (bus, graun, wara na solwara) na tu ol arapela promosen na tu

toktok bilong human risos na ol arapela wok bilong maining long KBK Main long Usino-Bundi distrik na Basamuk Rifaineri long Raikos distrik.

Planti ol sumatin i bin go askim ol kwesten long ol Ramu NiCo opisa long sait bilong HSE na Komyuniti Afes Dipatmen na ol opisa i bekim gut ol kwesten bilong ol.

Ramu NiCo i putim aut tu planti ol naispela buk na pamphlet na tu megesin we ol lain manmeri i kisim na karim i go.

Jeneral Menesa bilong Ramu NiCo HSE Dipatmen, Wayne Basson i bin stap tu long Open De na i bekim planti ol askim bilong ol sumatin long wok bilong helt, sefti na en-

vairomen.

Ol arapela bikman bilong Ramu NiCo olsem Vais Presiden na Sif Teknikol Opisa, Wang Baowen wantaim menesmen tim bilong em i bin lukluk raun long DWU Open De na i amamas long lukim planti ol samting ol sumatin i putimaut long pablik long luksave long skul na stadi ol i save wokim long DWU.

Dispela open de i givim naispela sans tru long ol manmeri blong Madang na ol sumatin long save gut long wanem wok stret Ramu NiCo i kamapim long strongim ekonomi bilong kantri na Madang provins na ol komyuniti insait long Projek eria bilong en long Madang provins.



Ramu NiCo HSE Jeneral Menesa, Wayne Basson bekim askim blong wanpela sumatin.



Ol Ramu NiCo wok lain long stol.



Stal bilong Ramu NiCo long DWU Open De.



Ol bosman bilong Ramu NiCo lukluk raun long Open De.

RAMU NiCO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.
Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Gavman bai rausim SABL taitel

PRAIM Minista Peter O'Neill i tokaut olsem gavman bilong em bai stopim na rausim wanem ol kampani o bisnis i bin kisim graun aninit long pepa bilong Spesel Egrikalsa Bisnis Lis (SABL).

Mista O'Neill i tokim ol pipel bilong Is Sepik provins long las wik olsem dispela SABL i kamapim bikipela bagarap pinis we ol i kisim bikipela hap graun bilong ol asples na wok long katim timba we i no bihainim agrimen bilong wok didiman na egrikalsa.

Em i tok ol bai sekim olgeta kampani husat i baim graun pinis na sapos ol i no bihainim stret agrimen bilong wok egrikalsa, bai gavman i rausim dispela SABL pepa long ol na givim go bek long ol asples.

Mista O'Neill i tok wok painimaut insait long ol planti komplek bilong SABL i kamap pinis na gavman bilong em i holim na lukim pinis. Olsem na dispela eksen bilong rausim ol SABL pepa long ol kampani na bisnis husat i no bihainim stret agrimen i bihainim dispela ripot.

Graun em i bikipela samting bilong yumi ol pipel bilong Papua Niugini na yumi mas kisim gutpela helpim long sait bilong bisnis na mani. I no gutpela long ol ausait lain i kam na pulim graun aninit long giaman pepa na mekim narapela

bisnis long graun bilong yumi, Mista O'Neill i tok.

I gat ripot i kamap pinis olsem sampela opisa bilong Lens Dipatmen i pinis long wok bikos long pasin bilong mekim hait wok long givim graun long ol lain.

Dipatmen nau bai lukim sampela bikipela senis i kamap we ol bai makim nupela bod memba we ol bai makim stret ol opis we i gat save long wok bilong graun, biding, lo na bisnis insait long kantri. Ol bod memba bai kam olsem long Ombudsmen Komisn, Bisnis Kaunsil, Biding Bod, Sevei Bod na ol arapela bikos ol bai gat save long ol hap eria na spes na ol bisnis we i stap bihain long ol i ken mekim disisen na givim taitel bilong graun.

Dispela senis em Nesenel Palamen bai kamapim long mekim i kamap olsem lo bilong Lens Dipatmen long nau na bihain taim.

SABL pepa em ol bisnis na kampani save kisim long opis bilong Lens Dipatmen we ol save baim na kisim taitel long graun bilong mekim wok egrikalsa.

Ol ripot i kamap pinis olsem sampela kampani husat i kisim SABL pepa i no bihainim stret agrimen na ol i hait na katim ol diwai na salim go long ovasis. SABL em bilong wok egrikalsa tasol olsem planim kakao, kopra, kopi, ti, na arapela moa.

Sik bilong taro kamapim bagarap ...I no Basamuk Rifaineri smok

Mathew Yakai i raitim

WANPELA wok painimaut i soim olsem sik bilong ol taro ol i kolim "taro blight o blait" i bagarapim ol taro na ol arapela gaden kaikai long ples Basamuk i stap klostu long Basamuk Rifaineri bilong Ramu NiCo kampani long Madang Provins.

Dispela kain sik i save kamap strong long taim bilong ren. Na bai man i luk-save long dispela sik taim ol lip bilong taro na ol yam na banana dai.

Taim dispela sik i kamap long Basamuk, ol pipel i wok

long tok smok i kam long Basamuk Rifaineri i bagarapim ol gaden kaikai.

Tasol ol save lain long egrikalsa na ol plent krop bilong PNG Kakao na Kokonas Institut (PNGCCRI) olsem Yak Namaliu na Waike Yasingke i bin wok bung wantaim Moses Moruba bilong Dipatmen bilong Egrikalsa na Laipstok, na mekim wok painim we i soim olsem i no smok bilong rifaineri long Basamuk i bagarapim ol taro, yam na banana. Tasol sik taro blait.

Wok bilong CCCRIPNG em long mekim wok risets long kakao na kokonas long

dispela kantri.

Ol dispela savelain i bin mekim wanpela wik wok painimaut na prisenim i go long Basamuk Rifaineri Komuniti Afeas lain long las wik.

"Sik bilong taro i save kamap planti long taim bilong ren. Sapos em i smok bilong rifaineri, em bai bagarapim no gut ol banana, sugaken na ol narapela moa," Mista Namaliu i tok.

Tim i tok ripot we Dairekta bilong Mains wantaim Madang Provinsel Gavman, John Bivi, i wokim olsem smok bilong Basamuk Rifaineri i bagarapim ol pleslain

bilong Rai Kos Distrik i no tru.

Ol i bin tok i no gat ol ripot long saiens o sekim we Mista Bivi i ken soim olsem dispela i tru.

Mista Namaliu i tok long wok painimaut, ol i bin painim olsem planti gaden kaikai i helti o i no gat sik, tasol ol dispela i gat ol lip i wok long dai em ol i kisim sik bilong taro o sik blek kros i save kamap planti long taim bilong ren.

Tim i tokim ol ples lain long no ken pret bikos smok bilong rifaineri i no bagarapim wanpela samting long wanem, em i save pinis hariap.

K16.5 milien bai stretim Godons maket ...Nu Silan sapatim ol maket lain

GORDONS Maket long Mosbi i kisim bikipela manim long K16.5 milien long stretim na kamapim moa gut na seif maket we ol maket lain i ken sindaun gut na salim ol gaden kaikai na kumu bilong ol.

Gavman bilong Nu Silan i givim dispela mani long apgretim, mekim bikipela na moa seif dispela bikipela fres fud o kaikai maket tru long Saut Pasifik rison. Nesenel Kapitell Distrik Komisn (NCDC) bai givim sampela

mani tu long Godons Maket projek.

Gavman bilong Nu Silan bai wok patna wantaim Seif Siti Progrem bilong ol UN Wimen na NCDC long apgretim na mekim bikipela na seif Godons Maket.

Long las mun, Foren Afeas Minista bilong NuSilan, Murray McCully i bin tokaut long dispela taim em bin lukluk raun i kam long PNG long las mun.

Aninit long apgretim na wokim gut maket i go bikipela

na seif moa projek, ol bai wokim baret long maket bikos taim em i ren, bikipela raun wara i save pulap na pasim ples bilong lainim na salim long graun, wokim ol nupela maket biding.

"Ol maket lain i mas gat wanpela gutpela, klinpela, seif maket we ol meri, man na ol yangpela i no ken pret na maket long mekim mani na lukautim ol yet na ol famili bilong ol," Dokta Jeffrey Buchanan, bosman bilong Siti Seif Progrem, i bin tok.

Helpim bilong Nu Silan long Godons Maket i hap long sapat we Nu Silan i save givim long egrikalsa developmen long PNG.

Mista McCully i tok long nau, Godons maket i gat sampela hevi na dispela em long no gat baret long karim wara i go aut long maket ples, no gat gutpela wara saplai, no gat gutpela sekyuriti we i mekim na ol maket lain i no maket gut, na i no kisim gut mani long salim ol gaden kaikai na ol kumu samting.

Hagen Maket menesa i tok tenkyu long polis

BISNIS insait lo Maun Hagen Maket i kamap bikipela moa nau.

I no olsem tupela yia i go pinis we kainkain raskol pasimni save kamap.

Nau ol man meri i sindaun gut na salim ol kaikai na ol lain husat i go insait long maket long baim kaikai i raun gut, bikos Westen Hilans Provinsel Polis komanda i putim 30 polisman long lukautim maket olgeta taim.

Maun Hagen Maket Managa Wap Yapi taim em i tok tok lo bisnis insait lo maket i tok ol fama i wok lo mekim gutpela moni taim ol i salim kaikai bilong ol na ol manmeri husait i go insait lo maket lo baim ol kaikai i no bungim birua olsem sampla yia i go pinis we poket pik i insait lo maket i wok lo kamap bikipela.

"Nau ol polis man i lukautim Hagen Maket gut tru na ol kainkain pasin olsem pikpoket, stil, pulim bilum, na pait insait lo maket i stop pinis na ol fama i sindaun gut na salim ol kaikai bilong ol na mekim gutpela moni na ol manmeri husait i go insait lo maket lo baim ol samting i no bungim ol birua," Mista Yapi i tok.

"Invamen insait lo maket i gutpela moa lo bisnis wok lo



Piksa bilong Hagen Maket Managa Wap Yapi na ol wokman bilong em kisim takis lo ol fama lo gate bilong maket.

kamap gut bikos ol polis man i wok strong lo mekim Hagen maket gutpela ples bilong baim na salim ol samting."

Mista Yapi i tok ol polis man i patrol klostu klostu insait na outsait lo maket na wok lo holim ol man husit i wok lo pik poket o pulim bilum bilong ol mama o mekim ol stil pasin na kalabusim ol na dispela pasin bilong ol polis lo Hagen maket i kilim dai ol pasin raskol insait lo maket.

Mista Yapi i tok tu olsem ol

pait i save kirap insait lo maket planti taim na klostu klostu lo ol yia i go pinis tasol nau, ol polis i stap na nogat pait lo maket.

Mista Yapi i tok tenkyu lo Westen Hilans Provinsel Polis Komanda Martin Lakari lo wok sapat bilong em lo Hagen maket nau i stap gut bilong ol fama lo salim ol kaikai bilong ol na bilong ol manmeri lo raun gut nab aim ol samting.

"Mi olsem Maket managa

tok tenkyu lo Westen Hilans Provinsel Polis Komanda Martin Lakari lo sapatim wok insait lo maket olgeta dei we em i halivim ol subsistens fama insait lo provins na hilans regin husait i salim kaikai bilong ol insait lo maket," Mista Yapi i tok.

Moa lo 30pela polis man wok ananat lo kominiti polis unit lo Hagen i wok insait lo maket olgeta dei lo lukaut bilong PPC na dispela i mekim maket envirmen i stap gut.



Piksa bilong nupela mesin bilong pikim rais i kam long Saina i pikim rais long Hailans Egrikalsa Koles long Maun Hagen, WHP.

BSP Junia Golf Pro-Am i stat

BIPO long bikpela golf kompetisen, PNG Open, ol yangpela golf pilaia bilong Papua Niugini bai pilai long BSP Junia Golf Pro-Am.

BSP Junia Golf Pro-Am em i wanpela Junia Developmen Program bilong PNG Golf Asosiesen, na BSP i save

sponsa long dispela tonamen.

Dispela tonamen i stat long dispela wik, na ol 15-pela yangpela golf pilaia husat i pilai long dispela tonamen bai gat sans long bungim ol ekspirians golf pilaia bilong Australia long dispela taim, na ol dispela ekspirians golf pilaia bai givim sampela tok skul

long ol dispela yangpela golf pilaia.

Presiden bilong PNG Golf Asosiesen, Stan Walker, i tok as tingting bilong dispela tonamen em long developim ol yangpela golf pilaia bilong Papua Niugini long kamap ol gutpela golf pilaia long taim bihain.



BSP Golf Junia Pro-Am bai givim sans long ol yangpela golf pilaia bilong Papua Niugini long kisim sampela tok skul long ol ekspirians golf pilaia bilong Australia husat bai pilai long PNG Open.

Meninga amamas long ragbi lig program

Isaac Liri i raitim

KOSA bilong ol Kumul Mal Meninga i tokaut long dispela wik olsem em i amamas long lukim olsem Tim Kumul Program i ran gut.

Em i amamas long stap olsem kosa, na helpim strongim ragbi lig long Papua Niugini.

Long dispela wik, Mal Meninga bai stap long PNG long givim trening long ol Rijonal Developmen Opisa (RDO) bilong Papua Niugini Ragbi Futbol Lig (PNGRFL).

Em i bilip olsem ol dispela RDO bai mekim stret wok bilong ol long wanwan rijon bilong ol, na long 2017 Ragbi Lig Wol Kap, Papua Niugini bai stap long gutpela mak na kisim sampela gutpela risal.

Meninga i amamas tu long ol PNG Hunter husat i wok long pilai gut tru na apim nem bilong kantri.



Kosa bilong Kumul, Mal Meninga, i tok em i amamas long ol program bilong PNGRFL Poto Isaac Liri.

Isten Hailens bai hostim Nesanel Bodibilding Sempionsip

Sape Metta i raitim

OL bodibilda na opisal long Isten Hailens i taitim masol na i go het nau long mekim wok redi long hostim Nesanel Bodibilding Sempionsip we bai kamap long YC Hol long dispela wiken, Me 9 na 10.

Het Kosa na Teknikel Kodineta bilong Isten Hailens Bodibilding Asosiesen (EHBBA) Alphonse Benny i tokim *Wantok Niuspepa* olsem, ol memba bilong asosiesen i strong long trening, na tu, ol i redi nau na taitim ol masol, na kamapim moto bilong ol long resis we i tok, "LET THE BODY DO THE TALKING"

o "LARIM BODI BAI WOKIM TOK-TOK."

Em i tok 37 bodibilda, 7-pela em ol meri, i wok long trening hat long go long dispela namba 22 Nesanel Bodibilding Sempionsip.

Benny i tok Isten Hailens i bin winim taitol long namba 21 Nesanel Sempionsip long Kokopo, Is Nu Briten long 2013. Na dispela yia ol bai lukluk gen long winim dispela taitel.

Benny i tok, 8-pela senta em Jiwaka, Simbu, Lae, Pot Mosbi, Bogenvil, Lihir, Is Nu Briten na Manus, bai kamap na salensim ol bodibilda bilong Isten Hailens.



EHBBA Taitim Masol: Ol memba na opisal bilong Isten Hailens Bodibilding Asosiesen. (L-R) Elizabeth Benny (Presiden), Aron Dai, Albert Scott, Alphonse Benny (Het Kosa na Teknikel Kodineta), na long fran em Selem Jim na Raxford Viyufa.



Vacant Position:

Senior Advertising Sales Representative

Urgently require an experienced sales person to join the advertising team. Reporting to the Advertising Manager, the sales person will be expected to sell advertising space for the *Wantok Niuspepa*

Qualification:

- A Diploma in Business Studies majoring in Sales and Marketing.
- Must have a minimum of three (3) years experience in sales with experience in the print media preferred but not necessary.
- Must be of sober habit and willing to learn and work in a team.
- Good communicator with a positive approach to his/her duties and responsibilities.

An attractive package will be offered to the right applicant. Forward your full CV no later than 24 April 2014 to:

Senior Advertising Sales Rep Vacancy,
Word Publishing Company Limited,
P.O.Box 1982, Boroko, NCD. Fax: 325 2579
Email: word@wantok.com.pg

Ol fainelis bilong SP Spot Awods i kam aut

SP Spot Awod em i wanpela bikpela samting i save kamap olgeta yia we SP Brewery i luksave long ol spot manmeri, na ol arapela husat i save putim bikpela taim bilong ol long spot insait long kantri.

Long dispela yia, i gat 14 kategori. Siaman bilong Seleksen Panel o SP Spot Awod, Moses Koiri, i bin tok aut long nem bilong ol fainelis long dispela wik.

Dispela yia em namba wan yia bilong Mista Koiri long stap olsem Siaman bilong SP Spot Awods na em i tok olsem em i no bin isi long makim ol fainelis bilong dispela yia.

Em i tok em i no bin isi long wanem, i bin gat planti ol gutpela kendidet, na i hat long rausim sampela.

Dispela yia i bin gat 95 nominesen, ol seleksen panel i bin bung tripela taim long las mun na i bin makim ol fainelis.

Mista Koiri i tok tenk yu long representiv bilong Papua Niugini Olimpik Komiti, Auvita Rapilla, representiv bilong PNG Spot Faundesen, Peter Chalapan, representiv bilong PNG Etlit Komisen, Kapu Kapi, na rep-

resentiv bilong PNG Spot Midia, Stephen Mase long wok ol i mekim long helpim long makim ol fainelis bilong dispela yia.

Ol fainelis bilong dispela yia long Spot Poto bilong yia em, Charles Amini (Jnr) bilong Kriket PNG, Mark Talia bilong *Post Courier*, na Hot Curry bilong PNG Weillifting.

Long Spot Midia Awod bilong yia, Tere Alex bilong EMTV, Marie Sakumai bilong Kundu 2, na Kevin Teme bilong *Sunday Chronicle*.

Teknikel Opisal bilong yia, Sarenah Pini bilong Swimming, Frank Robby bilong Weillifting, na Helen Koita Simon bilong Kriket.

Kosa bilong yia, Rarua Dikana long Kriket, Tommy Lui Kila bilong Volibal, na Laka Nou bilong Ragbi Yunien.

Spot Edministreta bilong yia, Don Fox bilong Ragbi Lig, Ludwig Peka bilong Soka (Morobe), na Konia Vai bilong Skwas.

Spot manmeri wantaim disabiliti, Pope Gazave bilong Para-Spot, na Rosa Nega wantaim Thompson Ninkama bilong Spesel Olimpiks.

Ol fainelis bilong sevis i go

long spot, Abel Manumanu bilong Etlekiks (Milen Be), Graham Osbourne bilong Ragbi Yunien, na Timai Tally bilong Bodi bilding.

Spot Klap bilong yia, Hanuabada Weillifting Klap, Kempa Outriga Kenuing Klap, na Telstars Netbal Klap.

Junia meri etlit bilong yia, Jenny Albert bilong Etlekiks, Lorraine Harry bilong Weillifting, na Lynette Vai bilong Skwas.

Junia man etlit bilong yia, Riley Hekure bilong Kriket, Geoffrey Loi bilong Tebol Tennis, na Fred Oala bilong Weillifting.

Komyuniti Spot Inisitiv Awod, Kempa Outriga Kenuing Klap, NSI Judo Klap, na Tubuseria Junia Basketbal Klap.

Tim bilong yia, Amoa Volibal tim bilong ol man, Hebou Baramandi Kriket Tim, na PNG Pepes.

Spot meri bilong yia, Abigail Tere Apisah bilong Tennis, Betty Burua bilong Etlekiks, na Toea Wisil bilong Etlekiks.

Spot man bilong yia, Charles Amini (Jnr) bilong Kriket, Steven Kari bilong Weillifting, na Jack Viyufa bilong Bodi bilding.

Oro FC redi long ol fainel

Isaac Liri i raitim

RAUN 13 bilong Nesenel Soka Lig (NSL) long Pot Mosbi long las wik i bin pinis wantaim wanpela kam bek win.

Long namba wan hap bilong dispela gem, ol straika bilong ol Eastern Stars i bin putim planti presa antap long ol pilaia bilong Oro FC.

Insait long 20 minit bilong namba wan hap, ol straika bilong Eastern Stars, Felix Bondaluk na Patrick Aisa i bin gat planti sans long skoa, tasol gol kipa bilong ol Oro FC, David Hauka i bin kalap na stopim bal long gol insait long net.

Dispela namba wan hap i bin lukim ol Eastern Stars i pilai gut tru, na ol sapota bilong ol i bin amamas tru long lukim ol pilaia i pilai gut.

Ol Eastern Stars i bin winim namba wan hap wantaim skoa 1-0.

Taim ol pilaia i go malolo long hap taim na kam bek, ol Eastern Stars i no givim sans long ol Oro FC na ol i skoim narapela gol gen.

Dispela gol i bin mekim na planti manmeri husat i bin stap long dispela hap i ting olsem ol Eastern Stars bai bagarapim sans bilong Oro FC long kisim namba tu spot long NSL lata.

Taim gem i kamap long

namel bilong namba tu hap, Kosa bilong ol Eastern Stars, Milton Guki, i bin kisim strongpela tingting olsem ol i ken win, na em i singautim Vais Kepten bilong em, Kelly Jamo i kam autsait long malolo.

Taim Kelly i kam autsait, tim spirit bilong ol Eastern Stars pilaia i no bin wankain olsem taim ol i pilai long namba wan hap. Ol i bin mekim planti liklik asua insait long ples bilong pilai na dispela i bin lukim ol Oro FC i kam bek na skoim namba wan gol bilong ol. Dispela namba wan gol bilong Oro FC i bin kamap long namba 42 minit bilong gem.

Wantaim liklik taim tasol bipo long ful taim, ol Oro FC i senisim stail pilai bilong ol. Ol i spitim gem bilong ol na putim presa antap long ol Eastern Stars. Dispela i bin lukim ol Oro i skoim namba tu gol bilong ol wantaim 8-pela minit i stap bipo long gem i pinis.

Taim skoa i stap 2-2, na 5 minit i stap bipo long gem i pinis, tupela tim i bin pilai strong tru, na traim long skoa.

Straika bilong ol Oro FC, Garry Moka, i bin ran wantaim bal long las minit na skoim dispela las gol we i lukim ol sapota bilong Oro FC i amamas na singaut.

Ol opisal husat i bin sin-

daun long gren sten, i bin lukim ples klia op sait. Garry Moka i bin ran i go pas bihain long bal i painim em, tasol lains men i no bin lukim, na referi i tok em gol.

Ol Eastern Stars i no gat sans long pilai long ol fainel, tasol ol bai pilai las gem bilong ol long dispela wiken egensim Lae FC. Ol Eastern Stars bai traim long bagarapim sans bilong ol Lae FC long stap insait long ol fainel.

Ol sapota, kosa, opisal na pilaia bilong Oro FC i bin amamas tru long dispela win. Oro FC em nupela tim long NSL, na ol bai pilai long ol fainel.

Oro FC i sindaun namba tu long lata wantaim 13 poin long nau, bihain long ol maina premia, Hekari Yunaitet. Dispela win bilong ol i daunim Morobe FC i kam daun long namba tri ples long lata.

Long ol arapela gem, Hekari i bin daunim ol Admiralty 5-0, na dispela i bagarap sans bilong ol Admiralty long pilai long ol fainel.

Na long Lae, ol Lae FC i winim Besta 3-1. Lae i sindaun namba foa long lata, na sapos ol i win long neks wik, ol bai pilai long ol fainel. Besta i no gat sans nau long pilai long ol fainel, tasol ol bai pilai las gem bilong ol wantaim Admiralty long dispela wiken.



Ol pilaia bilong Oro FC i amamas bihain long ol i skoim wining gol. *Poto Nicky Bernard.*

PNG Gems mas kisim ol grasrut pilaia

Isaac Liri i raitim

PNG Gems em i wanpela bikpela nesanel pilai bilong ol grasrut spot manmeri insait long kantri, na i no bilong ol spot manmeri husat i pilai long nesanel na intenesenel level na i gat bikpela luksave pinis.

Dispela em hap tok bilong Ragbi Lig Developmen Opisa bilong Oro Provins, Ali Kosky.

Mista Kosky i no wanbel

long ol selekta bilong ragbi nains tim bilong Sentral Provins, long wanem, ol i makim ol pilaia husat i save pilai wantaim ol Kumul na ol Pukpuk. Em i tok dispela i no stret long ol protokol bilong ragbi lig, na tu, long PNG Gems.

Em i tok ol arapela provins bai makim ol grasrut pilaia husat i gat save na skil bilong pilai ragbi, tasol ol i no gat bikpela luksave, na sapos ol i pilai gut long PNG Gems ol i ken kisim

luksave. Mista Kosky i laikim ol selekta husat i makim ol pilaia bilong tim Sentral long rausim ol pilaia husat i gat ekspiriens na luksave, na makim ol pilaia husat i gat talen.

Em i tok Papua Niugini i nidim ol nupela pilaia long kam aut. Em i tok yumi mas givim sans long ol nupela pilaia long grasrut level, long wanem, em wanpela rot long helpim ragbi lig i kamap bikpela.



Siaman bilong SP Spot Awod, Moses Koiri i toktok, na Andrew Lepani bilong Papua Niugini Olimpik Komiti i sindaun long sait. *Poto Nicky Bernard.*

- Wiken NSL Dno -

Round	Date	Time	Team A	Vs	Team B	Venue
			Gigira Laltepo Morobe FC	Vs	Hekari FC	SIK/Lae
14	10th May	12.30pm	Lae FC	Vs	Eastern Stars FC	SIK/Lae
		3.00pm	Admiralty FC	Vs	Besta FC	Port Moresby
			Oro FC			

Ol poto na stori i kam long NRL websait



SPOTS DRO RAUN 9

Fraide: Me 09, 2014

Allianz Stadium
Roosters V^s W/Tigers

Smiles Stadium
Cowboys V^s Broncos

Sarare: Me 10, 2014

Eden Park
Warriors V^s Raiders

Cbus Super Stadium
Titans V^s Rabbitohs

AAMI Park
Storm V^s Sea Eagles

Sande: Me 11, 2014

Hunter Stadium
Knights V^s Panthers

ANZ Stadium
Dragons V^s Bulldogs

Mande: Me 12, 2014

Pirtek Stadium
Eels V^s Sharks



New Zealand Warriors NRL klap bai sasim senta bilong ol, Konrad Hurrell, long AS\$ 5000 bihain long wanpela video bilong em i bin kam aut long pablik. Dispela video em i no gutpela video na i bagarapim nem bilong Warriors klap.



STORMS: Nu Silan pilaia Tohu Harris bai pilai wantaim Melbourne Storms i go inap long 2017. Harris i bin winim Rookie of the Year awod long las yia na Melbourne Storms i gat bilip long em long apim nem bilong klap bilong ol.

Raun 8 Poin Lata

Pos	Tim	W	B	L	D	Pts
1.	Bulldogs	6		2		12
2.	Sea Eagles	6		2		12
3.	Titans	6		2		12
4.	West Tigers	5		3		10
5.	Roosters	4		4		8
6.	Broncos	4		4		8
7.	Rabbitohs	4		4		8
8.	Panthers	4		4		8
9.	Dragons	4		4		8
10.	Storm	4		4		8
11.	Eels	4		4		8
12.	Cowboys	3		5		6
13.	Warriors	3		5		6
14.	Raiders	3		5		6
15.	Knights	2		6		4
16.	Sharks	2		6		4

Fowod lain ap bilong ol Hunters i senis

BIHAIN long ol i malolo long las wik, ol i kisim tupela poin, na i sindaun long namba 5 long lata bilong Intrastr Supa Kap wantaim 13 poin. Ol bai pilai long Kokopo long dispela wiken, na ol bai pilai egensim Wynnum Manly Seagulls husat i sindaun namba 3 long lata wantaim 14 poin. Long lain ap bilong ol Hunters long dispela wik, kosa Michael Marum i mekim sampela bikpela senis long ol fowod bilong em. Timothy Lomai i stap long saspensen yet, na em bai no inap pilai long dispela wik. Gonzela Urakusie bai no inap pilai tu bihain long ol i bin rausim em long las wik. Na David Loko, husat em wanpela strongpela fowod bilong ol Hunters husat i bin pilai strong long ol laspela gem i go pinis bai i no inap stap long skwat tu bihain long em i mekim sampela asua long taim ol i stap malolo long las wik. Kosa Marum bai putim Joe Bruno na Esau Siune long namba wan lain ap bilong ol fowod long dispela wiken. Ol Hunters i gat strongpela polisi long sait bilong disiplin, na ol pilaia husat i no save bihainim gut ol dispela polisi i save kisim mekim save. Ol tripela fowod husat bai no inap pilai long dispela wiken em ol strongpela fowod bilong ol Hunters, tasol kosa Marum i gat bilip long ol arapela fowod tu, na em i gat bilip olsem ol i ken win long dispela wiken. Lain ap bilong ol Hunters long dispela wiken em 1. Adex Wera 2. Garry Lo 3. Thompson Teteh 4. Albert Patak 5. George Benson 6. Israel Eliab 7. Roger Laka 8. Joe Bruno 9. Wartovo Puaa 10. Esau Siune 11. Willie Minoga 12. Sebastian Pandia 13. Dion Aiye 14. Noel Zeming 15. Lawrence Tu'u 16. Edward Goma 17. Adam Korave 18. Tiger Emery 19. Stanton Albert.

QRL Intrust Super Cup draw

Round 11 (10-11 May)		
Home	Vs	Away
PNG		Wynnum
Burleigh		Bye
Norths		Redcliffe
Mackay		Sunshine Coast
Tweed		Pride
Ipswich		Capras
East		Souths

Raun 10 poin lata

Pos	Tim	W	B	L	D	Pts
1.	Pride*	7	1	1	0	16
2.	Ipswich Jets	7	1	2	0	16
3.	WM Seagulls	7	0	3	0	14
4.	Devils	7	0	3	0	14
5.	Hunters	5	1	3	1	13
6.	TH Seagulls	4	1	5	0	10
7.	Magpies	4	0	4	0	10
8.	Bears	4	1	5	0	10
9.	East Tigers*	3	1	4	1	9
10.	Redcliffe Dolphins	3	1	5	1	9
11.	Mackay Cutters	3	1	6	0	8
12.	CQ Capras	2	1	6	1	7
13.	SCoast Falcons	0	1	9	0	2

* Northern Pride vs Eastern Tigers postponed to Sunday 6th July

Ol spot eksen poto long wiken...

Poto Nicky Bernard.



BAL WE: Netbal eksen long Bisini namel long Rebels na Sparows long Bisini netbal kot long Mosbi.



MI TUPELA TRAM: NSL soka resis name long Easten Star na Oro FC long Bisini soka graun long wiken. Oro kam bek bihain long win 3-2.



GOLF TAIM: Ol komiti bilong PNG Export Golf i redi long kik ov long PNG Open long dispela yia.



Ragbi yurien eksen long Monia Pak long Pot Mosbi.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait



Ol PNGRFL Rijonal Dvelopmen Opisa i sindaun wantaim Siaman bilong PNGRFL, Sandis Tsaka, na ol sponsa.

Gutpela program bai strongim ragbi lig

Isaac Liri i raitim

RAGBI Lig em wampela spot tasol insait long kantri we i gat ol kompetisen we i save ran long stat bilong yia i go inap pinis bilong yia. Long dispela as, planti bilong yumi i save kolim ragbi lig olsem namba wan spot o nesanel spot bilong kantri.

Papua Niugini Ragbi Futbal Lig (PNGRFL) em i namba ogenaimesen insait long kantri we i save go pas long kamapim o ogenaimesim olgeta ragbi lig program long kantri.

Long dispela wik, Siaman bilong PNGRFL, Sandis Tsaka i toktok long gutpela bilong kamapim na bihainim ol program.

Em i tok gutpela program

i ken strongim ol pilaia, na tu, helpim ol long develop na kamap ol gutpela ragbi lig pilaia long kantri.

Em i tok planti taim, yumi long Papua Niugini i save toktok long statim ol program, tasol yumi no save long lukautim ol dispela program we yumi statim, na long dispela as, yumi no save lukim gutpela bilong en.

PNGRFL i gat 6-pela program, na long dispela ol program, i gat ol representiv i stap long lukautim long strongim.

Ol dispela program em Anda 13, Anda 19, Skulbois, Digicel Kap, SP Hunters, na PNG Kumuls. Olgeta dispela program i kam aninit long bikipela program we ol i kolim Tim Kumul Program.

Ol dispela program i save

kamap long wan wan hap insait long kantri, na PNGRFL i kamapim 14 rijon wantaim 14 rijonal opisa long lukautim ol dispela program, na lukim olsem ol i kamap gut.

Ol dispela rijon em Enga na Hela, Mendi na Hagen, Jiwaka na Simbu, Goroka, Kainantu na Madang, Lae, Lae Siti, Bogenvil, Kavieng, Is Nu Briten na Wes Nu Briten, Alotau, Oro, Sentral

na NCD.

Mista Tsaka i tok sampela bilong ol provins i no gat ol representiv yet, na PNGRFL i wok yet long bringim ol dispela provins i kam insait long ol program.

Ol sponsa bilong ol dispela program aninit long PNGRFL, em Air Niugini, PNG Power, PNG LNG, Air Niugini na National Gaming Control Board.

Featured Products

- *Treated Mosquito Nets Prevents Malaria
- * Visitect Tests for Malaria
- * Arterakine Tablets Treat Malaria (artemether & piperaquine phosphate)

Good Products, Better Prices, ikam long.

Johnstons Pharmacies Ltd

Phone 325 3185 Fax 325 0190 Email sales@johnstons.com.pg